

جمهوریة البرسیة

تألیف

محمد عبد الفتاح السروى

- صدرت الطبعة الأولى من هذه المسرحية في عام 2007، والنص كما هو في هذه الطبعة دون أي تغييرٍ سواءً بالإضافة أو الحذف ،

،، أي أنه صورة طبق الأصل من النص الصادر في العام المذكور أعلاه .

- جميع المعلومات والأرقام الوارد في آخرها علامة (*) هي معلومات وأرقام صحيحة .

المؤلف

يا إِمَّا .. تَنهَق مَع اللى بِيَهَقُوا....

يا إِمَّا .. اللى بِيَهَقُوا يُقَوِّلُوا عَلَيكَ حُمَار....

المشهد الأول

مكتب على يمين المسرح يبدو من هيئته أنه مكتب رسمي
منضدة إجتماعات في الجانب الآخر مُسلط عليها (ضوء
إضاءة تعطى إنطباع بالغموض) ... شخص¹ يجلس على
المكتب يتحدث في التليفون وعلى المنضدة يجلس شخصان
آخران.

شخص¹ : (في التليفون) تمام يا فندم – إن شاء
الله حا نوصل لحل . (يضع السماعة
ويذهب إلى حيث يجلس الآخران)....
الإحصائيات مزعجة... لو إستمر
الحال على كده كلها كام سنة وحنلاقي
البلد كلها بتتَهَق .

شخص² : يا فندم إحنا بنحاول نوصل لحلول...
لكن المشكلة إننا كل ما نلاقي حل
نختلف عليه... نحاول نلاقي حل
تاني... ونلاقيه ونختلف عليه وهكذا
دواليك .

شخص¹ : دواليك !

شخص³ : أنا عندي رأي وأعتقد إنه غير
مسبوق.... خلاص لقيت لكم الحل

شخص¹ : قولنا عليه وإن شاء الله يكون من غير
دواليك.

شخص³ : المشكلة اللي إحنا عايزين نحلها دي
مش مشكلتنا بس لوحدنا... دي مشكلة
ناس تانية كتير... وبدل ما إحنا
شاغلين نفسنا بالبحث عن حل...

طيب ما نَشْرِكِ الناسَ معنا... إحنا
نعمل إستبيان عام ونجمع كل الحلول
المقترحة بما فيها الحلول اللي عند
الجهات الرسمية وبعدين نعمل إستفتاء
عام.... كل الآراء اللي جمعناها واللي
طرحتها برضه الجهات الرسمية
نطرحها في إستفتاء عام... ده طبعًا
بعد تنقيح الآراء وإستثناء غير الواقعي
منها.... ونحطها كلها في بطاقة واحدة
في نقاط منفصلة و ضع علامة
(صح) أمام الرأي الذي توافق عليه

شخص 1 : إستفتاء إيه!.. إحنا مش ناقصين طريقة
الناس علينا... حانعمل إستفتاء على
موضوع زي ده... دي مش الناس
اللي حاتتريق علينا ده يمكن العالم كله.

شخص 2 : آه والنبي بلاش حكاية الإستفتاء دي...
اللي بيتلسع من الشورية بينفخ في
الزبادي

شخص 3 :- يا جماعة كل الحلول العظمى
بتتعرض للسخرية في بداية الأمر...
لكن مع الصبر والمثابرة و....

يقاطعه (شخص 1) في ضيق.

شخص 1 : خلاص فهمنا وجهة نظرك.

شخص 3 : جميل.. تقترحوا إن يكون ميعاد
الإستفتاء إمتى؟

ش 1، ش 2 : إحنا مش موافقين على فكرة الاستفتاء
دى أساسًا.

شخص 1 : إستفتاء ايه إنت فإكر إن المسألة سهله كده.... إنت عارف إستفتاء يعنى ايه..... يعنى لجان وتكاليف وتعطيل مصالح .

شخص 2 : ده غير الإشراف القضائى علشان يبقى الموضوع دستورى

شخص 1 : تخيل الإشراف القضائى، إستفتاء وإشراف قضائى فى موضوع زى ده تفتكر لو عرضنا على القضاة الموضوع حا يكون رد فعلهم ايه؟

شخص 3 : خلاص شوفوا إنتوا الحل.. بس لاحظو إن اللجنة بتاعتنا دي لازم توصل لحل.. القيادة السياسية مهمة بالموضوع.. البلد داخلة على عدة مؤتمرات ومهرجانات.. المظهر الحضاري زي الزفت.

شخص 2 : وحتى من غير مؤتمرات... الموضوع ده مطروح من زمن والمشكلة إن موضوعه بيزيد مع مرور الأيام.

شخص 1 : يا أخى حاجة تجن دول بقوا أسرع من الأرانب فى الخلفة.... يا سبحان الله إيش حال إن ما كانش مهدود حيلهم طول النهار صحيح أسم على مسمى

شخص 3 : أنا عندي رأي وأعتقد إنه غير مسبوق.... خلاص لقيت ليكو الحل

ينظر إليه (شخص 1 وشخص 2)

(يقوم شخص 3 من مكانه ويسير حتى المكتب...
يركن بظهره عليه ويقول :

مفیش غیر القتل!!

(شخص 1، | | القتل!؟

شخص 2)

شخص 3 : القتل.. القتل طول عمره حل من حلول
الإنسان سواء كان مع إنسان زيه أو
أى مخلوق آخر والمخلوقات اللى إحنا
عايزين نقتلها ما لهمش قيمة وقتلهم لا
فيها جريمة ولا ليهم دية ومن
المعروف إن التاريخ لا يكتبه إلا
القادرين على القتل وإحنا هنا بصدد
حدث تاريخى حايعير وجه البلد
ويخليها حاجة تانية والمسألة تستاهل.

شخص 2 : مضبوط هُما فعلاً ما لهمش ديه.. ده
غير إن مفیش جهة حاتحاسبنا و...
(يقطع كلامه فجأة)... بس فيه مشكلة.

شخص 3 : رجعنا تاني لدواليك.

شخص 1 : مشكلة إيه!؟

شخص 2 : يصمت وتطول فترة صمته.

(شخص 1، شخص 3):- يصرخان في وجهه. ما تنطق

شخص 2 : مين اللي حيقوم بعملية القتل!؟.. إحنا
فات علينا إن عددهم كبير جداً.

شخص 1 : مضبوط.. دول حيتقتلوا إزاي؟ كثير
جداً فعلاً عددهم بالهبل.

شخص 3 : أعتقد عددهم مش بالهبل... دول
بالعبط.

شخص 1 : مش حانختلف بالهبل وبالعبط.

شخص 3 : مش حانختلف إزاي... الإختلاف

يؤدي إلى الجدل ، والجدل يؤدي
لظهور آراء ضمنية متولدة...
كأعراض جانبية للمناقشة الموضوعية
لطبيعة الحوار... الإختلاف هنا مش
مجرد عرض من أعراض الحوار
ولكنه.....

(يقاطعه شخص1)

شخص1 : أنا مش عارف مين الحمار اللي جابك
تقعد معانا.

ينظر(شخص2 وشخص3) إليه فيبدو على(شخص1)
الإرتباك.

شخص1 : أنا طبعاً ما قصدش إنه حمار بالمعنى
الحيواني؛ لكن أنت يا أستاذ ساعات
بتجعلص الأمور... وعلى العموم
الحمورية مش بعيدة عن موضوع
إجتماعنا.

شخص2 : مضبوط إحنا إجتماعنا أساساً إجتماع
حميري.

شخص1 : نرجع لموضوعنا... فكرة القتل فكرة
مش بطالة بس حانقدر نقتل العدد ده
كله!؟

شخص2 : فرق قتل... نعمل فرق قتل... فرق
منظمة ممنهجة موزعة توزيع
جغرافي وليها معدل عددي في شغلها.

يكمل (شخص1)

شخص1 :- وإستراتيجية قتل وخطة عمل كاملة...
خطة عمل منظمة (يقول في سعادة)
أعتقد إننا لقينا الحل أو على الأقل
إسمنا لقينا حل.... أنا حأتصل
بالمستوى الأعلى وأبلغهم بالرأي ده.

شخص3 : أخيراً.... أخيراً.. حنقدر نقضي على
النهيق العظيم.

المشهد الثاني

مكان مفتوح... فقير... ساحة أمام منزل متواضع يتكون من دور واحد

عربي يتحدث مع زوجته ثم يدخل في الحوار آخرين

عربي 1 : تستاهلي.... والله أنا شمتان فيكي...
الجهاز الأولاني اللي كان معاكي كان ماله!
!؟ كان كويس وشغال.

زوجته : بس ما كانش فيه كاميرا.

عربي 1 : وأديكي جبت اللي فيه كاميرا وأهه
باط.. يا ولية دا إحنا قاعدنا سنة نعلم
فيكي إزاي تستخدمي الأولاني.. رايحة
تجيبي واحد تاني أعقد منه... وإنت
حاطعلي إيه بالكاميرا ؟ يا مثبت العقل
والدين يا رب...

زوجته : يووه... يعني هما اللي معاهم موبايل

أحسن منّا في إيه ؟

عربجي 1 : يا ستي اللي معاهم موبايل دول ناس معاهم فلوس لكن إحنا على باب الله.

زوجته : طيب ما هو يمكن يجي لنا عن طريقه شغل... يعني بدل الزبون ما يبجي لحد هنا ويتفق معانا يتصل ويوفر على نفسه المشوار.

عربجي 1 : أهه كل واحد راح إشتري البتاع ده ضحك على نفسه بسبب وهمي زي اللي بتقوليه... لأ يا فصيحة يبجي يتفق هنا أرخص له.

زوجته :- يوووه بقى.... والنبي تسبني في الهم اللي أنا فيه.

عربجي 1 :- والله أنا اللي في هم ما يتلم بسبب دماغك دي... (يقلدها في الكلام) أنا عايزة دش... لأ بس الدش ده مفهوش حاجة الناس دلوقتي بتدخل الوصلة... جبنا الوصلة... وبعد الوصلة... موبايل... قولنا خلاص بقى إنتهينا طلعت لنا في البتاع أبو كاميرا ده راخر... و.....

يدخل يدخل عربجي آخر زميل لهم في المهنة) عرفتوا الخبر؟!)

عربجي 1 : خبر إيه ؟

عربجي 2 : مصيبة سودة وحاتحل على دماغنا.

زوجة : مصيبة إيه يا جدع إنت ماتتكلم.
العربجي

عربجي 2 : الحكومة عايزة تقتل الحمير.

العربجي وزوجته : يا نهار إسود... يقتلوا الحمير

عربجي 2 : كل الحمير اللي في البلد الحكومة ناوية تخلص منها الناس، الكبار بتوع البلد ناويين يموتوا الحمير... بيقولوا إنها

مظهر غير حضاري.

عربجي 1 : حضاري إيه ومش حضاري إيه؟...
أمال إحنا حانعيش إزاي؟ ده إحنا
عائشين على الحمير... الحمير هي اللي
بتأكلنا وتشربنا.... الحمير هي اللي
ممشية حياتنا.

عربجي 2 : يا عم هما مالهمش فيه.

عربجي 1 : ليهم فيه إيه ومالهمش في إيه؟... طيب
خلي كده حد يهوّب ناحية الحمار
بتاعي... عليّا النعمة لأخلي الحمار
يعمل فيه عملة سودة.

عربجي 2 : هي الرفسة..... لو جت في المكان
الصح تفرقع القضية.

عربجي 1 : قال يقتلوا الحمير قال... يعني الحمير
هي المشكلة مايروحوا يشوفوا المشاكل
الحقيقية اللي بقالها ميت سنة ومش
عارفين يحلوها.

زوجته : ويا ترى الحكاية دي حانتوقف عند
الحمير وبس ولا بعد ما يخلصوا على
الحمير حايدوروا علينا إحنا كمان.

عربجي 2 : مفيش غير الأستاذ بتاع محو الأمية هو
اللي ممكن يقولنا... هو أكيد متابع
الموضوع وعارف قراره... إحنا لازم
نسأله.

عربجي 1 : هو الموبايل بتاعك هو سبب المصايب
دي كلها داهية تاخذك وتاخذ في ساعة
واحدة.

زوجته : يا سلام والموبايل ماله ومال المصيبة
دي بقى... إنت اللي مالکش في الحادثة.

ينظر إليها (عربجي 2)

عربجي 2 : (ببلاهة) حادثة إيه ولا مؤاخذة؟

عربي 1 : يا عم سيبيك منها دي واحدة ست....

يدخل أحد الأشخاص لا يبدو من هيئته
أنه زميل لهم في المهنة)
عربي 2 : أهه الأستاذ جه أهه.

عربي 1 : عرفت الخبر يا أستاذ... مش الحكومة
عايزة تموت الحمير.

الأستاذ : أيوه عرفته... سمعت الخبر في قناة
الجزيرة... بس مش حايقدرُوا..

عربي 1 : ليه يا أستاذ؟ دي الحكومة ما غلبت
مع البني آدمين حاتغلب مع الحمير!؟

الأستاذ : يقول (باقتضاب) أيوه.

عربي 2 : طب ما تفهمنا يا أس... ينوبك ثواب.

(يتحرك الأستاذ قليلاً في صمت ثم

يجلس)

الأستاذ : أولاً : إحنا لازم يكون عندنا دقة في
إستخدام المصطلحات مش الحكومة هي
اللى عايزة تخلص من الحمير الحكومة
ديه جهة تنفيذ مش جهة تفكير يعنى
غلط إننا نقول إن الحكومة عايزة
تخلص من الحمير.....القيادة السياسية
هي اللي صاحبة الفكر والفكرة مش
الحكومة ، المنظومة الحميرية اللي
عندنا أقوى بكثير من المنظومة
الإنسانية... الحمورية مش مجرد حالة
بجانب حالتنا الإنسانية لأ دي حالة
متغلغلة في صميم حياتنا اليومية... وفي
جوهر تفكيرنا وإجراءاتنا وفي تنقلاتنا

وفي تعليمنا ويمكن حتى في عبادتنا...
إطمنوا الحالة متشابكة والموضوع أكبر
من مجرد قرار يتأخذ في حجرة مقفولة

زوجة أحدهم : يا جدعان إحنا نلم بعدنا
ونروح نكلمها، هي القيادة السياسية دي
ساكنة فين ؟

عربجي 2 : أعدم برسيمي لو كنت فاهم حاجة... يا
أستاذ أنا سمعت إنهم ناويين ينزلوا فرق
قتل... زي عربية الكلاب.. وهات يا
طخ في الحمير وزى ما سيادتك عارف
الحمير في كل حنة في البلد... يعني
مش حايغلبوا والعملية معاهم مش
حتاخذ وقت.

عربجي 1 : طبعاً... إذا كانوا ما غلبوش مع الكلاب
اللي بتطلع تجري في كل حنة وتستخبى
تحت أي عربية... يبقى حايغلبوا مع
الحمير اللي رايحة جاية قدامهم طول
النهار تجر عربيات.

زوجته : ده غير المواقف... الحمير ليها مواقف
معروفة بتتجمع فيها... يعني يا صباح
السهولة طيخ طاخ طوخ.. خلصت.

(الأستاذ وقد بدا عليه علامات الإستيعاب وشئ
من الإقتناع)

الأستاذ : يبقى لازم نعمل خطة مقاومة (ثم يشرد
قليلاً) والموضوع برضه محتاج شوية
إتصالات.

عربجي 2 : بسيطة (يخرج المحمول من جيبيه)
إتفضل المحمول بتاعي أهه... إتصل
زي ما إنت عايز حتى ولو بره البلد...
ده فيه خط دولي.

- عربي1 : هو إنت كمان جبت محمول؟!!
- عربي2 : طبعًا
- زوجته : قول له... تخيل كان عايزنا نستكفي بالتليفون الأرضي... تخلف.

المشهد الثالث

(نفس أعضاء اللجنة في المشهد الأول ونفس المكان)

- شخص1 : العربية ولاد الكلب خبوا الحمير.
- شخص2 : حاجة تجنن... خبوهم فين بس؟! هما قطط... دي حمير.
- شخص1 : صحيح فين؟ خبوهم فين؟!!
- شخص3 : وهي دي عايزة سؤال... خبوهم بنّا.
- ش1،ش : فين؟
- 2
- شخص3 : الفزوة سهلة.. الحمير طول عمرها

ليها مواقف بتقف فيها وبتتجمع عشان
كده كُنا بنلاحظها.. لكن لو نزلت
وعاشت بنأ مش حانلاحظها.

شخص 2 : تقصد إن الحمير موجودة معانا دلوقتي
؟

شخص 1 : (وقد بدا عليه علامات الغيظ) وإحنا
إزاي حنعرفها.

شخص 3 : إيه التخريف ده هي قصة خيال
علمي... حمير إيه دي اللي عايشة بنا
ومش حانقدر نعرفها (يشير بيده
علامة التحديد) العربية خبوا الحمير
فين؟!!

شخص 2 : يكنوش سفروهم بره ؟

شخص 1 : كُنا عرفنا من الجوازات... مفيش
حمير سافرت.

شخص 3 : يعني الحمير كلها هنا.. الحمير كلها
جوه البلد.

شخص 1 : وبعدين حاي سفروهم بره إزاي ؟ هما
حمار ولا اتنين.. دول نص مليون
حمار.

ش1، : نص مليون !!

ش3

شخص 1 : أيوه البلد فيها نص مليون حمار(*)
تبعًا لإحصائيات جمعية الحمير الدولية
والإحصائية بتقول إن أصحابها
بيستعملوها كوسائل نقل.

شخص 2 : جمعية الحمير الدولية؟!!

شخص 3 : أيوه أنا برضه عندي خلفية عن
الجمعية دي وأعرف إنها ست فروع
والفرع الأم في إنجلترا وفروعها

موجودة في المكسيك وأثيوبيا وتركيا
وكينيا*

شخص 2 : ولما عدد الحمير عندنا نص مليون
على كده يبقىو كام حمار في العالم كله
؟

شخص 1 : 8 مليون.... العالم سنة 2005 فيه 8
مليون حمار(*)

شخص 2 : مش مهم عددهم دلوقتى، المهم هما
فين ؟ فين النص مليون حمار !؟

شخص 2 : حد يصدق بندور على نص مليون
حمار ومش لاقينهم

شخص 1 : أنا بس نفسي أعرف إزاي الخبر
إتسرب... إزاي عرفوا إننا عايزين
نقتل الحمير ؟

شخص 3 : من القنوات الفضائية.

شخص 1 : وإزاي القنوات الفضائية دي عرفت
!؟.. ده محدش يعرف الحل ده غيرنا
إحنا الثلاثة.

شخص 2 : إنت نسيت إنك بلغت المستوى الأعلى.

شخص 1 : يعني.. ثم يصمت فجأة لا مش معقول
هى صحيح القنوات الفضائية عندها
مراسلين في كل حطة لكن ماتوصلش
للمستوى الأعلى.

شخص 2 : أمال ازاي عرفوا الخبر ؟

شخص 3 : يا جماعة إنتم محيرين نفسكوا
ليه..إحنا وصلنا لحل إننا حانقتل
الحمير وبلغنا الحل ده لغيرنا ومبقاش
سر بين ثلاثة وممكن جداً إن فى حد
بحسن نية كان بيتكلم فى الموضوع

وفى الغالب كان بيتكلم فيه بطريقة حد
سمعه من لسان واحد لودان الثانى
خلاص بقى خبر دمه خفيف يجى فى
آخر نشرة الأخبار ويتذاع بمنتهى
البساطة.

: والله معقول..أنا خايف فى يوم من
الأيام المستوى الأعلى ياخدنا وينزل
شخص 1 للمستوى الأوطى

المشهد الرابع

مكان مفتوح.... مقر العرجية.

عرب : إحنا حنفضل مخبيين الحمير لحد إمتى؟!!

جي1

عرب : فعلاً المسألة كده طوّلت.

جي2

عرب : والحمير لازم تنزل الشغل.

جي1

الزوجة : ولو نزلت حتتقتل.

جدة

(يدخل الأستاذ)

عرجي : يا أستاذ (فيقاطعه سريعاً)

1

الأستاذ : عارف اللي إنت عايز تقوله... الحال

واقف والحمير لازم تنزل الشغل... ما

تقلقوش أنا الفترة اللي فاتت أنا ماكنتش

ساكت، خلاص عملت إتصالاتي.

عرجي2 : يا مُسهّل.... وإن شاء الله (حا) ينهقوا

قريب.

الأستاذ : المسألة مسألة وقت... كلها أيام والدنيا

حانتقلب على مُتخذي القرار... إنا إتصلت
برئيس الجمعية الخيرية لرعاية أصحاب
الدواب في البلد وهما عملوا اتصالاتهم
واتصلوا بملجأ الدواب في إنجلترا.

عرجي : يقول في زهول... إنجلترا بتاعة إليزابيث.
1

الأستاذ : أيوه.. المقر الأم للجمعية(*) إنتو فاكرين
إن الحمير دي شوية... دي حمير.

عرب : والموضوع ده حاجيب نتيجة مضمونة
جي1 يعني ؟

الأستاذ :- طبعاً... مش كده وبس.. أنا كمان دخلت
ذ على الإنترنت.

عرجي : ينطقها (الانترنت) يا دين النبي... أنا
2 بأسمع عنه كتير... بيقلوا عليه حلو قوي
وبيجيب حاجات أحسن من القناة الأولى.

الأستاذ : القناة الأولى إيه... الإنترنت ده حاجة تانية
خالص... المهم أنا دخلت على الإنترنت
على مواقع منظمات حقوق الحيوان وبعث
e-mail لكل المهتمين بالحيوانات في
العالم وكلها أيام والدنيا حانتقلب... هما
فاكرين إيه إن الحمير دي حالة إستثنائية
في حياتنا دي الحمير هي الأساس... يا
جماعة أنا مش عايزكوا تعلقوا الدنيا مقلوبة
عليهم وجميع الهيئات الدولية والمنظمات
غير الحكومية المعنية بالموضوع واخدة
موقف

عرجي : لا مواخدة يا أستاذ أنا مش فاهم إنت
1 بتقول إيه.

الأستاذ : ببساطة زى ما فى منظمات بتهتم
بالإنسان فى منظمات بتهتم بالحيوان..مثلاً
منظمة (حمير بلا حدود) دي منظمة
دولية وكمان فى كل بلد منظمة بتهتم
بالحيوان وخصوصاً بالحمير.

عرجي 2	: إشمعنى
الأستاذ	: لإن الحمير كثير مش عندنا بس لا ده فى العالم كله .
عرجي 1	: يعنى الحمير كثير فى الدنيا كلها
الأستاذ	: بالهبل عندك مثلاً فى فرنسا عندهم منظمة (حمارسيون) وفى إيطاليا منظمة (حماريانو) وفى اليونان (حماريتو) وفى المانيا (حماريخت) و(حمارلع) فى قبلى.
عرجي 2	: و إشمعنى قبلى يعنى هو وجه بحرى مافيهوش حمير
الأستاذ	: يووووه..على قفا مين يشيل وحياتك بينهقوا طول النهار وعلى مافيش هما طول عمرهم كده فنجرية بق، المهم قولولى الحمير عاملة إيه دلوقتي ؟

زهقانة يا أستاذ... الحمير مش واخدة على الحبسة زينا... بس الحمد لله إننا لحقنا نفسنا وحميرنا... بس برضه العملية طوّلت... يا أستاذ ده اللي اسمه بني آدم لما ضيافته بتطول بيبقى ثقيل ما بالك بالحمير.. وقرابيننا وأهالينا اللي ساكنين بعيد عننا حايفضلوا مستحملين الحمير عندهم لحد إمتى...إحنا كمان خايفين أحسن الحكومة.. قصدى القيادة السياسية تعرف مكانها وتوصل ليهم ويعملوا عملتهم.

الأستاذ : مشكلة فعلاً... لكن فى نفس الوقت إنتو ما تقدروش تخبوها فى بيوتكم وإلا كانوا عرفوا طريقها بسهولة... وعلى أي حال

كده الوقت في صالحنا وكل ما الوقت يمر
كل ما كسبنا أكثر رغم أن حكاية حبس
الحمير عند قرابيكم دي حكاية مش
معقولة.

الزوجة : ما هما كمان بياخدوا اللي فيه النصيب.

عربي¹ : على حس أكل الحمير هما كمان بياكلوه
يعني المسالة مش ببلاش ولا هي جدعنة

عربي² : بس حتفضل محبوسة لحد إمتى ؟ المشكلة

إن البيوت ضيقة ومش كل المناور بتساع
على عكس زمايلنا اللي في الفلاحين
ووجه قبلي مشكلتهم محلولة... ده غير إن
البلد كلها عارفة بعضها وأي حد غريب
يدخل بينتبهوا ليه من أول الطريق
والمكان هناك واسع ده غير إنهم مش
ناويين أساساً يبدأوا بيهم زى ما هو باين.

الأستا : معلى لازم تستحملوا... دي فترة إنتقالية
ذ (ثم يتنهد) والله أنا مش عارف إحنا
حانفضل عايشين في فترات انتقالية لحد
امتى ؟

الزو : أنا عارفة بس إيه اللي كان طلعتها في
جدة دماغهم ولاد الكلب دول... ما الحمير طول
عمرها عايشة معانا ولا فيش مشكلة.

الأستا : المظهر الحضاري هو المشكلة..
ذ وخصوصاً قدام السياح... حاجة تضحك
همهم على المظهر الحضاري وطب
الجوهر الحضاري حانعمل فيه إيه !؟

عرب : هي الحمير ليها علاقة بحكاية الجوهر
جبي¹ الحضاري دي يا أستاذ ؟

الأستا : أيوه ليها علاقة.

الزو : - يعني الحكاية منقطة عليهم من كل حنة...
جدة مظهر وجوهر.

عرب : حايقتلوا... يعني حايقتلوا.
جي 1
الأستا : لسه في أمل.
ذ

عربي 1، عربي 2 الزوجة : يسمع من بقك ربنا.

المشهد الخامس

(حجرة المكتب)

شخص 1 : حقوق الإنسان... حقوق المرأة...
حقوق الطفل... لكن حقوق الحمار !!

شخص 2 : دي حيوانات ليها جمعيات دفاع
مشهورة في الدنيا كلها، وفيه ناس
مشهورين أعضاء فيها.

شخص 3 : حتى في بلدنا كان فيه جمعية بتتهم
بالحمير وكان من ضمن أعضائها زكي
طليمات وطه حسين(*) وفي العالم كله
فيه ناس مهتمة بالحيوانات ، مثلاً
الممثلة برجيت باردو...دي حتى دايماً
بتهاجم المسلمين علشان بيدبحوا
الخرافان في العيد الكبير(*)

شخص 1 : ويا ترى بتهاجم الأمريكان علشان
بيدبحوا الديك الرومي في عيد الشكر ؟

شخص 3 : مش عارف... المهم حاتعمل إيه
دلوقت... الموضوع أخذ بعد تاني...
بعد دولي ؟

شخص 1 : العالم كله بقى مهتم بالحمير اللي في
بلدنا والسؤال عنهم والبرامج
التليفزيونية على الفضائيات نازلة ترف.

شخص 2 : تصدقوا إن فيه ناس بتتصل بالتليفونات
وبيتمنوا يكونوا حمير علشان حد يهتم
بيهم.

شخص : الحمورية بقت مطلب شعبي، يعنى إحنا
3 دلوقتي عايشين فى أزهى عصور
الحمورية.

شخص 1 : لا وأيه دى جت للحمير على الطبطاب،
إحنا هنا بنفكر نخلص منهم وفى بلاد
تانية بيعملوا ليهم مهرجانات، وبيختاروا
أجمل حمار فيهم.*

شخص 1 : يا جماعة إحنا لازم نوصل لحل فيه
إستجواب مقدم فى البرلمان للسيد رئيس
الوزراء بسبب الموضوع ده

شخص : ده شئ متوقع.... هي حاجة بسيطة دول
2 نص مليون ويمكن لما الأزمة تنتهى
يكون عددهم زاد.

شخص : (يقوم من مكانه يلف قليلاً... يضع يده
3 أسفل ذقنه)
أنا عندي رأي واعتقد انه غير
مسبوق.... يا جماعة أنا لقيت الحل، ايه
رأيكوا ننفذ الإقتراح اللي إتقدمت بيه
الأستاذة بتاعة الجامعة ونعمل حفاضات
للحمير.*

شخص 1 : ده إقتراح غير عملى لأن مفيش قانون
يجبر العربية انهم يعلقوا الحفاضات ده
غير إن سعر الحفاضة الواحدة
حايوصل ل 50 جنيه تقريباً.

شخص : ما هي المفروض إنها نسقت مع إحدى
3 شركات النظافة علشان تتحمل جميع
التكاليف المشروع اللي هي إتقدمت بيه
مذكور فيه الكلام ده.

شخص 2 : شركات النظافة تانى، هي شركات النظافة عارفة تحصل مصاريف النظافة من الناس لما حتخش كمان فى مشكلة مع الحمير، وبعدين احنا بندور على حل جذرى يقص المشكلة من أساسها وبعدين الحفاضة بعد ما تتملى صاحب الحمار من دول يعنى حيرميها فين؟!، ما هو برده حيرميها فى الشارع زى ما كانوا بيفضوا الزبالة زمان.

شخص 1 : يعنى بدل ما حيبقى عندنا أكوام الزبالة، حيبقى عندنا كمان أكوام لمخلفات الحمير.

شخص 3 : (يقوم من مكانه يلف قليلاً.. يضع يده أسفل ذقنه) خلاصا أنا عندي رأى وأعتقد إنه غير مسبوق يا جماعة أنا لقيت لكم الحل.

(يهم شخص 1، وشخص 2) بالكلام..يرن

جرس التليفون

يقوم شخص 1 بالرد... يستمع قليلاً ثم

يقول :

شخص 1 : طيب حافكر وأرد عليكم.. الموضوع برضه محتاج تصريح وإستئذان (يستمع قليلاً) ويقول يا سيدي إحنا نظامنا كده كل حاجة بتصريح... ربنا يسهل.. يغلغ السماعه

شخص : فيه إيه؟!

2

شخص 1 : هو إحنا ناقصين... قناة فضائية طالبة تعمل لقاء مع حد من المسئولين علشان يرد على كل ما يثار فى الموضوع ده.

شخص : هي دي كارثة... ده عز الطلب وبعد

3 المشاورات والأذن والذو منه... جت
من عند ربنا فرصة نعلن الحل اللو
عندي.

شخص 1 : أه صحيح المكالمة لهتنا.. إنت كنت
بتقول إن عندك حل... إيه هو ؟

شخص 3 : أقولك يا سيدي، مش العربجية بيقلوا
إن الحمير هي أكل عيشهم وقتلها
حقطع سبب رزقهم خلاص إنا
حقطع رزقهم من ناحية ونوصله من
ناحية تانية.

شخص 2 : هات من الآخر أنا زهقت.. قول الحل
مباشرة.

شخص 3 : بس متنساش وإنت فى البرنامج تقول إن
أنا اللو توصل للحل ده أه معلى حقوق
الملكية الفكرية.

شخص 2 : يا دين النبى إيه هو الحل إنطق.

شخص 3 : أقولكم الحل ببساطة هو (ثم يبدأ فى
شرح وجه نظره مع موسيقى خفيفة
تخفى صوته)

المشهد السادس

ستوديو لإحدى القنوات الفضائية، عمال يجهزون

الاستديو للقاء. المديعة تضبط مكياجهما... أحد أعضاء اللجنة يجلس على أحد الكراسي... تجلس المديعة أمامه ويبدأ اللقاء.

المذيعة : مشاهدنا الكرام أهلاً بكم... إنشغل الرأي العام في الآونة الأخيرة بقضية مصيرية... ألا وهي قضية الموقف من الحمير.. ويسعدنا ويسعد الحمير أيضاً أن يكون ضيفنا في هذه الحلقة أحد أعضاء اللجنة التي تم تشكيلها للوصول إلى حل لهذه المشكلة... (تأنتت للضيف وتكمل قائلة) أهلاً بك.

شخ : أهلاً بك.

ص1

المذيعة : ممكن سيادتكم تلقي لنا الضوء على طبيعة المشكلة المطروحة من وجهة النظر الرسمية والحلول المقترحة لها.

شخ : في الواقع... المشكلة أخذت أكبر من حجمها.

ص1

المذيعة : عفواً للمقاطعة... لكن يا ريت ندخل في الموضوع وباختصار.

ص1

شخ : إحنا عندنا مشكلة في الشوارع وفي المظهر الحضاري العام وأحد أسباب هذه المشكلة هي الحمير... الحمير كتروا بشكل رهيب... شىء مذهل عندهم قدرة غريبة على التوالد... البلد بقت مليانة حمير.

ص1

المذيعة : وتفكر سيادتكم إن ده ذنبهم ؟

ص1

شخ : طيب وإحنا حانعمل إيه فعلاً عندنا مشكلة ومشكلة حقيقية مش مفتعلة.. وجود الحمير بيتعارض مع عملية التنمية.. الحمير عقبة في عملية التنمية.

ص1

المذيعة : بس يا فندم زي إحنا ما فهمنا من المشكلة

عة المطروحة إن الحمير مش مجرد حيوانات بالنسبة لأصحابها ؛ دي داخله في صميم حياتهم والغاء وجودها يؤدي لكارثة و... أيوه معنا إتصال.

صوت ألو... مساء الخير.

المتصل

المذي : مساء النور... إتفضل

عة

صوت لو سمحت أنا عندي رأي وبإختصار المتصل علشان وقت البرنامج ، الأستاذ بيقول إن المشكلة في الحمير وأنا شايف العكس المشكلة مش في الحمير المشكلة في اللي بيسوقوا الحمير... هما السبب في كل المشاكل... الحمار ده حمار مالوش فيه....ده بيمشى مطرح مايتقله يمشى ويتربط مطرح ما صاحبه يربطه المشكلة الحقيقية في اللي بيوجهه أنا بيتهيألى تخلصوا من اللي سايقين الحمير، الأزمة الحقيقية هي أزمة قيادة.... وشكراً .

المذي : تعقيب سيادتك على المكالمة.

عة

شذ : أنا شايف إن المشكلة الأساسية في ص1 الحمير... هي جوهر القضية.

المذي : أيوة.. معنا إتصال.

عة

صوت مساء الخير.

المتصل

:

المذي : مساء النور.. إتفضل

عة

صوت دلوقتي إحنا كلنا بنقول الحمير.. الحمير، المتصل محدش سأل نفسه هي الحمير حمير ليه؟ : محدش سأل نفسه إيه هي أسباب الإستحمار، أعتقد إن السبب هي الأحمال.. الحمير بتشيل أحمال أكثر من طاقتها لو كان الحمل يتناسب مع طبيعة الحمار البيولوجية والسيكولوجية ما كناش

حسبنا إنهم حمير... المشكلة في الحمل
الزائد... الحمير شائلة أكثر من طاقتها.

(يقاطعه الضيف)

شذ : أنا إختلف معاك يا أستاذ الحمير حمير
ص1 بطبيعتها سواء كانت شائلة ولا حطة،
إتولدت حمير وعاشت حمير وحاتموت
حمير... هما كده.. الموضوع موضوع
خلقة.. إتخلقوا كده.

صوت المتصل : أنا معاك خلقتهم كده مضبوط لكن عادتهم
وتصرفاتهم مش خلقة؛ ده طبع،
والتدريب وبالعادة ممكن تتغير ومن شب
على شئ شاب عليه ، وكمان مش معقول
نحط العربيه قدام الحمار.

الشخص: ونقول له زق ولما ما يعرفش نقول عليه
حمار.

المذبة: يا أستاذ بلاش مغالطه المثل ده بيتقال
على الحصان مش على الحمار ..أيوه
معنا اتصال

صوت المتصل : الاستاذ عضو اللجنة بيتكلم عن الحمير
وكانه بيتكلم عن مخلوقات غير عاقلة
على الرغم من إن الشواهد بتقول غير
كده يبقى الواحد من دول راكب فوق
ضهر الحمار ومصمم يعدى الترة
والحمار بيرفض وده لأن الحمار بالسليقة
عارف إن المسافة أكبر منه والبنى آدم
اللى راكبه هو اللى مش عارف يقدر
الأمر مظبوط وبعدين إحنا لا عُمرنا
شوفنا حمار بيحشر نفسه فى اللى ملوش
فيه ولا شوفنا حمار واخدها عافيه بل
العكس هو الصحيح البنى آدم هو اللى
مستغفى عليه.

شذ : المكالمة دي مفتعلة والمناقشة كده بقت
ص1 سُفسائية .

المذي : (تقطع الكلام بحدّة) السيدات والسادة،
عة نلتقي بعد الفاصل .

(الفاصل)

(مذيع ومذيعة داخل كادر يشبه جهاز التليفزيون)

المذي : مشاهديننا الكرام أسعد الله مساءكم، إليكم
ع موجز الأنباء

صرح مصدر مسئول بوزارة الداخلية أن
عدد المتحفظ عليهم يبلغ خمسة عشر ألف
مواطن وليس خمسة وعشرين ألف كما
ورد في التقرير الأخير لمنظمة حقوق

الإنسان، كما أنهم متحفظ عليهم فقط وليسوا معتقلين.

المذي : أكد السيد مدير الوكالة الدولية للطاقة
عة الذرية أن على المجتمع الدولي أن يتحد
في مواجهة الخطر النووي وأن يسعى
لمنع دول الشرق الأوسط من إمتلاك
السلاح النووي إن لم يكن هذا من أجل
البشرية فعلى الأقل من أجله هو لكي
يبقى في منصبه لمدة تالية .

المذي : أكد السيد وزير الزراعة أن المبيدات التي
ع تم رشها على الأراضي الزراعية تساهم
في القضاء على الديدان والطفيليات
الضارة، وأن الكلام على أنها تسبب
مرض السرطان غير صحيح بالمرّة وكل
تأثيرها الضار أنها أحياناً تكون سبباً في
مرض الـ Canser

المذي : أما عن أخبارنا الفنية :- صرح مدير
عة أعمال الفنانة المطربة العالمية مادونا أن
تنظيم (القاعدة) لا علاقة له بما حدث
لقاعدة المطربة مادونا وأن الإحمرار
الذي أصاب قاعدتها ليس ناتجاً عن
الإحتكاك السياسي بل هو ناتج عن
الإحتكاك المباشر بين مؤخره المطربة
وأرضية المسرح الذي تم عليه
الإستعراض الأخير.

المذي : وعن حالة الجو غدًا إن شاء الله، يتوقع
ع خبراء الأرصاد الجوية أن يكون طقس
الغد مثل طقس اليوم وكما كان طقس
الأمس وذلك تأكيداً من حالة الجو على
مناخ الاستقرار الذي تعيشه البلاد.

المذي : إلى اللقاء.
عة

(عودة)

المذبة : أهلاً بكم مرة أخرى... ضيفنا الكريمة
ة ممكن سيادتكم تبلغنا بالحل النهائي اللي
توصلت له اللجنة، وخاصة بعد فشل
الحل الخاص بالتخلص من الحمير عن
طريق القتل.

شذ : إحنا حانشتريهم... حانشتري كل الحمير
ص1 اللي في البلد.

المذبة : كل الحمير؟!
ة

شذ : إحنا إكتشفنا إن فكرة قتل الحمير مش
ص1 حاتنفع، بس مش بس لكثرة عددهم ؛ لكن
لإننا كمان مش حنلاقي مدافن تساع العدد
ده كله، ده غير بصراحة إن أي مساحة
أرض حاتكون قيمتها أعلى من إنها تكون
مدافن للحمير، علشان كده توصلنا بعد
تمحيص إن الحل هو إننا نشتري
الحمير... العرجية ياخدوا فلوس يعملوا
بيها أي مشروع ولا حتى كل اتنين ثلاثة
يشتركوا ويشتروا ميكروباص وبدل ما
ينقلوا خضار وفاكهة ينقلوا البني آدمين،
صحيح الفاكهة عندنا أعلى من بني آدم
لكن أه حل والسلام.

المذبة : وهل حانشتروا الحمير كلها بسعر واحد.
ة

شذ : يعنى إيه؟
ص

المذبة : يعنى فى حمار صغير وفى حمار كبير
ة فى حمار سليم وفى حمار عيان فى حمار
متربى فى حمار مش متربى فى حمار
فضل طول عمره ينقل زباله الأحياء
الراقية وغيره خدم فى المناطق العشوائية
هل كلهم حا يبقوا بسعر واحد .

شذ
ص الحقيقه إحنا فى إجتماعنا لم نتطرق
للنقطه دى

المذي
عه وهل سعر الحماره حا يكون بنفس سعر
الحمار؟ طيب إفرضوا إن الحماره كانت
حامل يا ترى حتدفعوا ثمن الحماره
والجنين ولا الحماره بس وياترى حددوا
أسعار مبدئيه ولا لسه؟

الشذ
ص الحقيقه إحنا فى إجتماعنا لم نتطرق
للنقطه دى

المذي :
عه طيب فيه نقطة مش مفهومة ؛ إنتو كده
ما حلتوش المشكله من أساسها، كل اللي
حا يحصل إن حصل مجرد نقل ملكية،
وبعد ما تشتروهم حاتعملوا فيهم إيه ؟

شذ :
ص1 حانجمعهم في مكان واحد، أمال احنا
حانشترهم ليه ؟

المذي :
عه حاتجمعوا نص مليون حمار فين ؟

شذ :
ص1 في الصحراء الغربية.

المذي :
عه إشمعنى الصحراء الغربية ؟

شذ :
ص1 لسببين ؛ أولاً إن الناحية الغربية دي ما
حدش حاسس بيها ولا معمول ليها
حساب في أي حاجة ده غير إنها
مساحات شاسعة مهولة نقدر نعمل فيها
معسكر كبير للحمير ونقسمه إثنين
معسكر للحمير للذكور ومعسكر للحمير
الإناث، لأنهم لو إجتمعا مع بعض في
معسكر واحد.. الشيطان شاطر... حا
يخلفوا حمير صغيرة يعني بدل إحنا ما
كنا عايزين نخلص منهم حانزودهم
علشان كده لازم نفصلهم عن بعض لحد
ما يبجي أجلهم بصورة طبيعية من غير
قتل ولا مشاكل

المذي : والسبب الثاني ؟

عة

شذ : الألغام... الصحراء الغربية مليانة ألغام
ص1 ومساحة المعسكر حاتغطي جزء كبير
من المنطقة اللي فيها ألغام ولما الحمير
تيجي تسرح علشان تدور على الأكل
حاتفضل رايحة جاية وتحفر في الأرض
ومع عدد الحمير الكبير في مساحة مهما
كانت محدودة أكيد الألغام حاتنفجر فيهم
لغم ورا لغم ؛ وبكده نبقى خلصنا من
الحمير والألغام اللي بقالها ميت سنة
محدث عارف يعمل فيها حاجة.

المذي : بس إنتم كده برضه ما حلتوش المشكلة
عة من الأساس... لأن منظمة حقوق الحيوان
اللي إعترضت في الأول حاتعترض تاني
والإعتراض عنا حا يكون أشد لأن
الموضوع فيه إستغلال لبراءة الحمير.

شذ : (بعصيبة) ساعتها إحنا كمان حنرد
ص1 ونعترض على إعتراضهم، يا تيجوا
تاخذوا الحمير اللي إنتوا محموقين
علشانها، يا تاخذو الألغام بتاعتكوا... هي
مش الألغام دي من الحروب بتاعتهم
وهما وحلفائهم وأصدقائهم اللي زرعوها.

المذي : وإفرض وافقوا على إزالة الألغام ؟
عة

شذ : مش ممكن، لإنهم مش بيعانوا من
ص1 المشكلة والواقع بيقول إن طالما إن
صاحب القرار في حل أى المشكلة لو
مش بيعاني منها يبقى مش ممكن
حايصدر قرار بالقضاء عليها وخاصة إذا
كانت الحلول مكلفة وعلى أي حال حتى
لو ده حصل ساعتها حانرجع الحمير
لأصحابها وحانعتذر ليهم كمان... بس
يجوا يشيلوا الألغام... عشم إبليس.

المذي : معانا إتصال.
عة

صوت : ألو... أيوه لو سمحت أنا عندي حاجة
سيدة: عايزة أقولها، أنا بأعترض على موضوع

فصل الإناث عن الذكور، أسألوني أنا
الموضوع ده ممكن يسبب مشاكل نفسية
للحمير، دي ممكن تتجنن وتطلع تجري
بره المعسكر وساعتها مش حاتعرفوا
تلموهم ده غير إنها أساسًا مسألة غير
أخلاقية... حتى الحمير يا ساتر، مش
كفاية الحرمان اللي إحنا فيه.. حاتدوروا
على الحمير كمان... إرحمو بقى.

المذي : مشاهدنا الكرام... إذا أردتم المشاركة
عة معانا في القضية الموضوع لا يزال
مطروحًا... إرسلوا لنا آرائكم على
الموقع الإلكتروني

www.barcem..com

إلى اللقاء

: خلاص كده التسجيل إنتهى

الشخ	ص
المذي : أيوه كده خلاص	عه:
(الضيف ينظر إليها باعجاب)	
المذي	إنت بتبصلى كده ليه؟
عه:	
الشخ	هو حضرتك مرتبطه؟
ص	
المذي	أيوه فى حمار متكلم عليًا (تتركه
عه	وتنصرف)
الشخ	وحياتك عندى حا بعتهولك معاهم على
ص	السلوم

المشهد السابع

مكان تجمع العريجية ومحل كلامهم.

عرب : والنبي دول لو دفعوا لي مليون جنيه مش
جي1 ممكن أبيع الحمار أبدًا .

الزوجة : وإحنا نضمن منين إنهم فعلاً حايدونا تمن
الحمير مش يمكن بيقولوا كده علشان
الحمير تطلع تظهر تاني وبعدين ياخدوها
من غير فلوس ؟

عربي : حتى ولو بالفلوس برضه مش حابيع
جي1

الأستاذ : هي دي المشكلة ؛ إن فيه أزمة ثقة.
اذ

عربي : ثقة ولا مش ثقة، أنا مش حابيع، أنا حاخذ
جي1 الفلوس يومين ويتصرفوا، لكن الحمار
حايفضل طول عمره حمار.

الأستاذ : ليه مش حاتموت في يوم من الأيام ؟
اذ

عربي : ساعتها نبقى ندور على حمار غيره ولو
جي1 بالتقسيم .

عربي : وحاتفع المقدم منين ؟
جي2

عربي : حابيع الصيغة بتاعت.. قصدي المحمول
جي1 بتاع مراتي.

الزوجة : إمشي والنبي لا يحصل ولا يكون.
جدة

عربي : خلاص حابيع الحمار الميت
جي1

الأستاذ : حاتبيع الحمار ميت ؟!
اذ

عربي : أيوه غريبة دي... حابيعه للجزارين.. آه
جي1 في جزار في الجيزة بيشتري الحمير
وبيدبحها ده دابح لحد دلوقتي سبع حمير
في وش العدو(*)

الأستاذ : والناس إشترت اللحمه منه ؟
اذ

العرب : يوه ده بيقول إن زباينه كترت واللحمة
جى عجاهاهم على الآخر.. يا أستاذ إنت مش
مصدقنى أنا بتكلم بجد والله الموضوع ده
حصل فعلاً تصدق إن الناس كانت
بتشكره(*)

الأست : على أيه؟!
اذ

العرب : كانوا بيقولوله إن اللحمة بتاعته مسكرة(*)
جى إنت عايز الصراحة عندهم حق.

الأست : هو أنت أكلت منها .
اذ

العرب : طبعاً.. والجزار نفسه اللي بيدبح الحمير
جى اكل منها(*)

الزوة : يا نهار أسود.. أكلتني لحمة حمير يا
جدة راجل

العرب : ما أنا كمان أكلت هو أنا أكلتك منها
جى لوحدك.. ثم يميل إليها وبعدين يا جميل
دى جابت نتيجة معتبرة .

الأست : يا راجل حرام عليك حاتبيعه للجزارين
اذ علشان يأكلوه للناس... إنت عايز لحم
الحمير ينضح عليهم ، هي الناس ناقصة،
طيب ما تبيعه لوزارة الثقافة.

الزوة : هي وزارة الثقافة بتشتري الحمير ؟
جدة

الأست : أيوه... أقصد للسيرك القومي ما هو تبع
اذ الوزارة، بياكلوا لحم الحمير للأسود
والنمور.

عرب : (يتدخل محذراً زميله) أوعى تعمل كده
جى2

عرب : ليه؟

جى1

عرب : زميلنا اللي في الموقف القبلي مات له

جى2 حمار قبل كده... راح علشان يبيعه
للسيرك أخذوه منه بتراب الفلوس، ولما
عرف إن التمن قليل عن اللي كانوا
بيشتروا بيه قبل كده راح الوزارة بتاعة
السيرك وإشتكى... الوزارة قالت له إحنا
بقى عندنا حمير كثير، وكل يوم والثاني
يجيبوا لينا حمير جُداد صاحية وميتة،
يعني من الآخر كده الحمير في وزارة
الثقافة مرططة.

الأست : ياأاه.... للدرجة دي... أنا ماكنتش أعرف،
اذ وعلى فكرة أنا لما قلت تبيعها للسيرك
القومي كان قصدي تبيعه في الدرا،
الموضوع ده أصلاً غير قانوني.

عرب : أنا مش فاهم يا أخي هي الحمير فجأة كده
جى2 بقت مشكلة، يعني هي كانت بتتهق في
ودان الحكومة.

الأست : بس المشكلة... لو إنت مش حاتبيع فيه
اذ غيرك حايبيع.

عرب : اللي يبيع يبيع كل واحد حر في ملكه .
جى1

الأست : ساعتها حاتبقى لوحديك ، إنت بس اللي
اذ رافض تبيع.

عرب : (يضع رأسه بين كفيه – إظلام تدريجي
جى1 تقترب منه زوجته)

الزوجة : ما تخفش، ربنا كريم ستار بيرزق كل
طير وإنسان وكل مخلوق خلقه... إنت
فاكر أول ما تجوزنا، إنت كنت عربجي
بالأجرة، دلوقتي أهه أديك بقيت عربجي
ملك.

عرب : ملك إيه بس ما هو الملك ده يا حايموتوه
جى1 يا حاخدوه، ساعتها نعمل إيه وإحنا لا
شغله ولا صنعة غير العريجة، يعني مش
كانوا المفروض زي ما فكروا يحلوا
مشكلتهم كانوا حلوا مشكلتنا إحنا الأول.

الزوجة : أنت سمعت الرجل كان يقول إيه في التليفزيون اللي إيدته في القرار، لو إنه مش بيعاني من المشكلة تفضل المشكلة زي ما هي.. وهما ما عندهم مشكلة. قول يا رب
عرب : يا رب
جي1

(إضاءة)

الأستاذ : يا جماعة ما تقلقوش قوي كده، أنا عرفت اذ دلوقتي إن الموضوع بتاع شرا الحمير ده فيه خلاف، الموضوع لسه في طور المناقشة.

الزوجة : هي لسه فيها طور !

عرب : يا ناس إحنا مالناش غير الحمير لو أخذوها ولا إشتروها ولا قتلوها، إحنا بس حانعمل إيه، حانشتغل إيه، حتى لو إدونا فلوس.. حانعمل إيه بالفلوس اللي حايدوها لنا

الزوجة : نبيع ونشتري.

عرب : نبيع إيه ونشتري إيه ؟
جي1

الزوجة : موبيلات.

عرب : (يصرخ فى وجهها) ...يا رب
جي1

المشهد الثامن

حجرة المكتب

شخص 1 : في مشكلة.

شخص 2 : كالعادة.

شخص 1 : العربية ولاد الهرمة رفضوا البيع
واللي وافق منهم رفع سعر الحمار
أضعاف مضاعفة

شخص 3 : طول عمرنا إحنا اللي بنرفع الأسعار
خلينا نجرب مرة يترفع علينا الأسعار.

شخص 2 : فعلاً مشكلة.... الميزانية كده مش حاتكفي.

شخص 3 : يعني المشكلة دلوقتي في الميزانية.

شخص 1 : طبعا حانجيب منين ميزانية تغطي تمن الحمير.

شخص 3 : يا جماعة... أنا عندي رأي وأعتقد إنه غير مسبوق.. خلاص لقيت لكم الحل كالعادة.

ش 1، ش

2

شخص 3 : نأمم الحمير.

شخص 1 : ما ينفعش.... و لسبيين.

شخص 2 : إيه هما ؟

شخص 1 : أول سبب إننا لو عملنا كده العربية حيرجوعوا يخبوا الحمير ومش حانقدر نوصل ليها كلها.

شخص 3 : والسبب الثاني ؟

شخص 1 : موضوع التأميم ممكن تكون له آثار جانبية سيئة، وحايبقى مادة خصبة للإشاعات.. يا ترى الحمير بس اللي حاتتأمم ولا في قطاعات تانية في الدولة حاتدخل التأميم لا... لا.. التأميم ده مش حل.

شخص 3 : يا جماعة... أنا عندي رأي وأعتقد أنه غير مسبوق... طالما إننا ما عندناش ميزانية تكفي... خلاص نطلب معونة خارجية... إحنا لينا معارف كتير في المنظمات غير الحكومية، وما أظنش إن "فوند فونديشين" أو فولبرايت ممكن تتأخر في حاجة زي كده.

شخص 1 : كان غيرك أخطر حاولوا معاهم ورفضوا رفضاً باتاً .

شخص 3 : هما مين اللي حاولوا معاهم ؟ هو مش المفروض إن اللجنة بتاعتنا هي المسؤولة عن الملف كله.

شخص 1 : من يوم الملف المحترم بتاع صفر المونديال وإظاهر إن المستوى الأعلى مبقاش عنده ثقة في أي لجنة مسؤولة عن أي ملف وفيه إتصالات بتجري على كل المستويات من غير ما تتقيد بلجان معينة.

شخص 2 : طيب فيه سؤال... الجهات المانحة رفضت ليه؟... مش هما بيشتغلوا على التنمية، ولو إحنا قضينا على الحمير دي برضه تعتبر خطوة في طريق التنمية وده بيتفق مع هدفهم ومع شروط المنح.

شخص 1 : من إمتى الغرض المعلن هو الغرض الحقيقي.. يعني تفتكروا إحنا فعلاً جادين في عملية التنمية ووضعنا خطط حقيقية وجدول زمني واقعي وخطة عمل قابلة للتنفيذ... تفتكر ساعتها ممكن الجهات الممولة تمدنا بالتمويل؟

شخص 2 : وإيه كانت أسباب الرفض... الأسباب المعلنة على الأقل؟

شخص 1 : بيقولوا إن الموضوع غير إنساني... إزاي إحنا عايزين نشتري الحمير علشان نعزلها لحد ما تموت موتة طبيعية... إتحججوا بالتوازن البيئي ، وكمان كل الستات اللي في الهيئات المانحة إعترضت على فصل الإناث عن الذكور.

شخص 3 : إشمعنى الستات؟

شخص 1 : مش عارف ؟ يمكن خايفين أحسن
الرجالة يقلدوا الحمير.

شخص 2 : تفتكر هو ده السبب الحقيقي ؟

شخص 1 : لأ طبعًا... إحنا السبب... الحديث
التليفزيوني المشنوم اللي إحنا عملناه...
بالذمة ده كلام ناس عاقلين... حد يطلع
في التليفزيون وعلى عينك ياتاجر
ويقول يا تاخدوا الحمير يا تشيلوا
الألغام.. طيب أديهم سابوا لينا الحمير
والألغام .

شخص 2 : أنا مش فاهم حاجة ومش قادر أربط
الأمر ببعضها، بتوع المنح إيه
علاقتهم بالألغام ومشاكلها؟

شخص 1 : الهيئات كلها منفدة على بعض.

("شخص 3 " يذهب بعيدًا يضع يده على
جبته... علامة التفكير) ينظر إليه
شخص 1 وشخص 2.

شخص 3 : يا جماعة... أنا عندي رأي وأعتقد إنه
غير مسبوق.. خلاص لقيت لكم الحل

شخص 1 : إنت ما ز هفتش من الجملة دي.

شخص 3 : مافيش غير الأمر العسكري... يصدر
قرار من القيادة السياسية بالأمر
العسكري يتم تسليم الحمير في مدة
محدودة... الحمير من مواليد شهر كذا
يتسلموا في الفترة الفلانية والحمير
مواليد شهر كذا يتسلموا في الفترة
الفلانية وهكذا.... دواليك.

شخص 2 : ياسلام على النباهة... وإيه اللي
حايجبرهم على التسليم لو ما سلموش...
حانقتل الحمير مثلاً ما إحنا أساسًا

مقدرناش نقتلهم من الأول وبعدين يا
جدع إنت مواليد شهر كذا إيه؟! هي
الحمير ليها شهادة ميلاد... الحمير في
بلدنا مش موثقة.

شخص 3 : بس العربية موثقين ومعروفين

شخص 2 : بمعنى !

شخص 3 : اللي ما يسلمش الحمار بتاعه نعتقله.

شخص 2 : برضه مش حل... إنت تعرف منين إن
الشخص المعتقل هو نفسه صاحب
الحمار... وحتى لو كان هو ممكن حد
غيره يسوق الحمار أخوه... إبنه... أي
حد... ونرجع ثاني لنفس
المشكلة..المظهر الحضاري.

شخص 1 : ده غير إن المعتقلات أصلاً مافيهاش
مكان.. ده إحنا حتى بنفكر ندخلها
الخصخصة وبعدين المعتقلات ما
تعملتش علشان اللي بيسوقوا الحمير
دي إتعملت علشان اللي عايزين يسوقوا
البنّي آدمين.

شخص 3 : نخصص المعتقلات!؟

شخص 1 : أيوة ديه فكرة مُربحة كل معتقل يخش
المعتقل يدفع رسوم إعتقال

شخص 3 : (وقد بدا عليه علامات الإعجاب
بالفكرة) فكرة جهنمية ده اللي حيشترتها
حبيقي مليونير

شخص 2 : و حيدفع ضرايب كتير

شخص 3 : تساعدنا في عملية الإصلاح والتنمية

شخص 1 : إحنا كده خرجنا برة الموضوع الإعتقال
مش حاينفع .

شخص 2 : ونرجع ثاني لحقوق الإنسان
والمنظمات الدولية والبرامج الفضائية.

شخص 3 : يا جماعة أنا غلب حُماري.

يدخل شخص فجأة – كارثة يا فندم

شخص 1 : فيه إيه!؟

الشخص : الحمير جمعت نفسها وإتحدا خارج العاصمة وقرروا يعملوا ثورة.

شخص 2 : ثورة؟!!!

شخص 3 : ثاني.

المشهد التاسع

زحام شديد... الحمير واقفة في مجموعات تتحدث مع بعضها.

حمار 1 : يا حمير... إحنا لازم ننظم الصفوف.

حمار 2 : تمام.. علشان نقدر نوصل لنتيجة.

حمار 3 : أعتقد إن الخطوة الأولى هو إننا نختار حمار يكون هو المتحدث الرسمي بإسمنا

حمار 2 : الأزمة اللي إحنا فيها محتاجة لأكبر قدر من الحكمة.

حمار 1 : دلوقتي إحنا جمعنا نفسنا وهربنا وبعدين بعد كده حانعمل إيه.

حمار 2 : هو ده السؤال اللي بأسأله لنفسي!؟

- حمار 1 : آخر حاجة سمعتها إن البني آدمين ناويين بيعتوا لينا سفير علشان يتفاهم معانا.
- حمار 3 : الظاهر إنهم إقتنعوا إن مفيش حل غير التفاوض.
- حمار 2 : تفاوض بعد ما كانوا عايزين يقتلونا... ولاد الإنسان.
- حمار 1 : إحنا لازم برضه نطوّل بالنّا... الموضوع إتعد وماتنسوش إن لسه فيه حمير تانية مش كل الحمير جت معانا
- حمار 2 : بس لو كنا إيد واحدة.
- حمار 3 : صعب... صحيح إن إحنا كلنا مشتركين فى الحمورية... لكننا مختلفين على كيفيتها ثم إن فيه حمير أساساً ما عندهم مش مشكلة.
- حمار 1 : على رأيك دول ما عندهم مش مشكلة حتى في إنهم يتقتلوا
- حمار 2 : القابلية للقتل.
- حمار 3 : نرجع لموضوعنا مين اللي حايتفاوض بإسم الحمير ؟
- حمار 1 : مفيش غير الأقدمية.
- حمار 3 : الأقدمية في إيه ؟
- حمار 1 : في الحمورية.. بمعنى آخر السن... نختار أكبر حمار فينا سنأ.
- حمار 2 : أنا أعترض... الأقدمية والسن دي معاير إنسانية... أنا بأرفض أن تكون مرجعيتنا مرجعية إنسانية.
- حمار 1 : ده ظرف إستثنائي لحد إحنا ما نحط المنهجية الخاصة بينا... وكمان موضوع

السن حايقضي على حزازات ممكن
تتوجد لو تم الأختيار على أي أساس
تاني... السن مرجع موضوعي.

- حمار3 : والسؤال مين أكبر حمار فينا ؟
(يقول حمار من المجموعات المتحدثة)
الحمار : أنا... أنا أكبر حمار في البلد.
- حمار1 : لا يا أخويا... فيه حمار أكبر منك.
- حمار3 : أنا برضه عارفه.
- حمار1 : بس المشكلة... حانوصله إزاي ؟ ده مش
في المجموعة اللي هربت معنا.
- حمار3 : يا حمير هو إبننا على كتفنا وبندور
عليه... إحنا ليه مستنيين الغاييب اللي
ممكن يبجي أو ما يجيبش ما إحنا نختر
واحد مننا.. حمار من الموجودين معنا.
- حمارة2 : وليه ما تكنش حمارة ؟
- حمار1 : بقولك إيه... ده مش وقت فيمينزم
- حمار3 : المشكلة إن مفيش حد فينا مؤهل للقيادة.
- حمار1 : فعلاً مفيش فينا قائد حقيقي.
- حمارة2 : تعالوا هنا إحنا عاملين نتكلم كده.. إحنا
أساساً غير مفوضين من المجموعة
الحميرية الكاملة بأي حق حانختار حد
يتكلم بأسمنا كلنا.
- حمار1 : خلاص يبقى مفيش حل غير
الانتخابات... إحنا نعمل إنتخابات.
- حمار3 : إيه هو ده... حيلك... حيلك إنتخابات إيه
اللي إنت عايز تعملها.. إنتو مش حاسين
ولا فاهمين.. إحنا في صراع مع
الوقت... البنى آدمين مش حاسبونا

الوقت ده كله.

- حمارة2 : وبعدين الإنتخابات دي محتاجة كائنات
ناضجة سياسياً وإحنا لسه حمير..
معندناش نضج سياسى .
- حمار1 : خلاص إحنا حنختار واحد من المجموعة
الحاضرة... نختاره بإسم الشرعية
الثورية...
بحق مخاطرته في الهرب واحد يكون
مفوض للحديث بإسمنا... إحنا أساساً في
المشكلة مش معقول نعمل مشكلة في
المشكلة دي حتى تبقى حمورية.
- حمارة2 : مين اللي حايتركلم بإسمنا؟
- حمار3 : إحنا... كلنا نتكلم باسم بعض... كلنا
حانتكلم
- حمار1 : أنا برضه مع الرأي ده... محدش يسكت
اللي عنده حاجة وعايز يقولها... يقولها.
- حمار3 : يا سلام لو كان لينا نقابة.
- حمار1 : يا حمار النقابة دي للمهن مش للنوع.
- حمار3 : يا سلام طب ما الإعلام مهنة ليه
الإعلاميين ملهمش نقابة؟
- حمار1 : خلاص.. إحنا نطرح الموضوع للمناقشة.
- حمارة2 : (في غيظ) أما حمير صحيح... إيه اللي
حاطرحوه للمناقشة... خرينا في اللي
إحنا فيه نقابة إيه اللي بدروا عليها هو
إحنا أساساً لينا كيان علشان يكون لينا
نقابة.
- حمار1 : وفيها إيه لما نتبادل وجهات النظر

حمارة 2 : (تنهق) يا مثبت العقل والبردعة على
الضهر... خلونا في اللي إحنا فيه...
الوقت بيمر دلوقتي إحنا إتفقنا إننا كلنا
حانتكلم... حانقول إيه؟

حمار 1 : يعني إيه؟

حمارة 2 : خطة الحوار... إيه هي الأهداف... منهج
العمل الحوارى

حمار 3 : أنا ممكن أدلك على منهج العمل الحمارى
لكن الحوارى دي جديدة

حمارة 2 : يعني حاندخل في المفاوضات من غير
رؤية مسبقة عن طبيعة الأهداف
المرجوة.

(حمارة 1، حمار 3) | ينظران إليها ويخرجان عودًا من
البرسيم يأكلانه.. وضحي كلامك إنتى
ناسية إنك بتكلمي حمير

حمارة 2 : أوضح إيه؟.. إحنا عايزين نوصل لإيه.
(يستمران في الأكل والنظر إليها)

حمارة 2 : ما فيش فايده.. إحنا حمير وحانفضل
طول عمرنا حمير... يعني المفاوضات
مع البني آدمين حاتكون عشوائية... زي
ما ترسي دقلها.

المسرح
ثلاثة سوياً وينعزل الرابع عنهم جانباً وقد بدا عيله الشرود.
تنسحب هذه المجموعة من وسط
لأحد جوانبه وتتقدم مجموعة أخرى. يتحدث

حماراً : أنا حاسس إننا وحلنا نفسنا ودخلنا فى
أزمة إحنا مش قدها

حمارب : يا عم يعنى حيحصل لينا إيه أكثر من
اللى بيحصل

حمارج : على رأيك قال على رأى المثل :
"حايخطوك يا قرد، قالهم يعنى حأبقى
غزال" وفجأة يلتفت لزميلهم الرابع

الشارد .	
حماراً	: إيه يا جدع مالك..
حماراً	: قصيدة جديدة مش عارف أختمها إزاي
حماراً	: والقصيدة ديه إسمها إيه؟
حماراً	: اسمها (القهوة المسكوبة على الكُلوت الورى)
حماراً	: طيب متسمعها لنا
حماراً	: يسمعنا إيه يا عم ديه شكلها كده قصيدة مشفرة .
حماراً	: بلهجة (الكمسارية) آه وبعدين بقى فى حريم فى العربية
حماراً	: خلاص أقولك سَمعنا القصيدة اللي كنت حنقولها فى المؤتمر الأخير.
حماراً	: مؤتمر إيه؟
حماراً	: المؤتمر ده يا جدع بتاع.. بتاع آه بتاع (العربية وتغيرات ما بعد العولمة)
حماراً	: أسما إيه القصيدة دي؟

(يقف في منتصف المسرح، و عليه
إضاءة دائرية)
تراصوا جميعاً خلف البيادق
قفز الحصان الأبيض .. الجيش الابيض
أصبح المكان محتل
الجيش الأسود
الحصان الأسود يَدُق حافريه
ينظر إلى مليكه... قف أيها المُختل
ضحكت الطايبية البيضاء ، ثم قالت:
جننا لنحارب جيشا من النساء... أين
الكبرياء
سئم الفيل... إما أن نهجم أو نرحل
دعهم... (هكذا تكلم الوزير)
دعهم سيرحلون هم إلى الخنادق
تراصوا جميعاً خلف البيادق
قديماً.. كانت لهم بيارق
قديماً.. كانت لهم المغارب والمشارق
قديماً.. كانت صيحاتهم محارق
الآن.. هم في الخنادق
يدق النفير المَلِك يريد أن يتحرك
إصطف العسكر الأبيض.. إصطف العسكر
السود
إصطفوا جميعاً.. لملك واحد يتحرك
كما يشاء يتحرك....
أعطوا له التحية...
سبّحوا بأسمه
وغنوا لذاته العلية... أغانى لولبيه
حتى أصبحت مربعات الشطرنج بسبب
غنائهم.. دائرية

آخر : أنا أعتقد أن النظرية البنيوية حاكيون ليها
رأى سلبي

آخر : هذه القصيدة لا يمكن فهمها الا من خلال
نظرية موت المؤلف .
(مخاطباً قائل القصيدة).. إنت مش قولت
لنا إن القصيدة إسمها ثلاثة أشخاص
يلعبون الشطرنج

أدى الجيش الأبيض وواحد يلعب بيه، والجيش الأسود وواحد يلعب بيه.. الثالث بقى فين؟	حمارد
ماهو ده جوهر القصيدة .	حماراً

(تنسحب هذه المجموعة من وسط المسرح وتتقدم مجموعة أخرى)

أنا قلقان.	: حمار
وأنا بايعها	: حمار
وأنا في أعظم لحظات حياتي.	: حمار6
(فى تعجب) إنت؟!!	: حمار4، حمار5:
مستغربين مش كده.	: حمار6
يعني..... إنت طول عمرك بتقف مطرح ما تتربط لا عمرك نهقت ولا إعترضت.	: حمار4
الصبر له آخر.	: حمار6
كده فجأة؟!!	: حمار5
مفيش حاجة بتيجي فجأة...لكن خلاص أنا جبت أخرى وبقيت زى الجمل أخرة صبره بيعة.	: حمار6
تعرف إني إستغربت لما شفتك هربان معانا بس مارضتش أتكلم مع حد عليك.	: حمار5
إستغربت ولا شكيت؟	: حمار6
يعني... إنت أكيد عارف الحمير بيقولوا عليك إيه.	: حمار5
عصفورة مش كده... بيقولوا عليا العصفورة اللي بتتنقل أخبار الحمير	: حمار6

للعربجية الكبار.

- حمار 4 : ما تز علش بس سلوكك يدل على كده.
- حمار 6 : الحمير بس هي اللي مش متعودة تعيش مع حد ساكت.... فترات صمته أطول من فترات رغيه.
- حمار 5 : بس إنت على طول ساكت... بيحسوا إنك بتتنصت.
- حمار 6 : أنا عمري ما إتصنت على حد... أنا كنت بتأمل.
- حمار 5 : بتأمل في إيه ؟
- حمار 6 : في الواقع الحميري
- (يَّهم حمار 5 بالحديث.. يقطع حديثه دخول حمارة جميلة نظيفة يبدو من مظهرها إنها بنت حمير مألولة).
- حمار 4 : الظاهر إن في عضوة جديدة حانتضم لينا.
- حمار 5 : يا مرحب بالكفاح الثنائي.
- حمار 4 : أيوه كده.. خَلِّي الكفاح يخلو.. يطري شوية بدل ماهو ناشف كده.
- حمار 5 : حمارة إيه.. مكنة.
- حمار 4 : إتفضلي... ممكن تنضمي للمجموعة بتاعتنا.
- حمار 7 : ميرسي.
- حمار 5 : إنت ثقافتك فرنسية ؟
- حمار 7 : عشت فترة في مزرعة ناس أجنب... إتعلمت منهم كام كلمة كده.

- حمارة 4 : حمارة فرانكوفونية.
- حمارة 5 : خلاص بقى إنت عارف صاحبنا (يشير إلى حمارة 6) عنده نزرعة شوفونية.
- حمارة 4 : شو...إيه ؟
- حمارة 5 : شوفونية... يعني عنصرية... آه لامؤاخذة... أنا نسيت إن في حمير مش عارفة معنى الكلمة.
- حمارة 7 : يا جماعة... مش للدرجة دي... الحكاية كلها كام كلمة فرنساوي على إنجليزي.
- حمارة 4 : إنجلوفونية كمان... ييجوا... ييجوا البني آدمين يتفرجوا.
- حمارة 7 : (تقترب حمارة 7 من حمارة 6)
مالك ؟ ساكت ليه ؟
- حمارة 5 : هو على طول كده... قاعد ساكت ولما ينهق يتفلسف.
- حمارة 6 : إسكت يا حمار.
- حمارة 5 : شفتي.. أهه اتفلسف وقال عليا حمار

(ينسحب حمارة 4 وحمارة 5 بهدوء وهم يتحدثون حتى يخلو المسرح ل (حمارة 6 وحمارة 7)

- حمارة 6 : إنت اللي جابك هنا... إنت شاكلك كده كنت عايشة عيشة مستريحة..
- حمارة 7 : كان لازم أحافظ على شرفي.
- حمارة 6 : في حد كان عايز..
- حمارة 7 : حمار ابن كلب.. عايش في مزرعة

السفير اللي جنبنا.. قاطرني في الراححة
والجاية.. بارد...دم أمه يلطش.. قبل
كده رفته رفسة كنت حاضيع مستقبه
ومفيش فايده (تسكت قليلاً) وإن جيت
للحق في سبب تاني خلاني أهرب... أنا
زهقت.. حاسة بالغبرة.. معنديش
إحساس بالهوية... حاسة إني مفقدة
ذاتي... طول عمري عايشة بين حمير
من جنسيات مختلفة... مش قادرة
أتواصل معاهم.

حمار6 : بس التعايش مع ثقافات مختلفة أمر
ممتع ومفيد.

حمارة7 : مش لما يكون ليك إنت أساساً ذات...
ذات خاصة بيك... تعرف أنا لسة
راجعة من عرض أزياء.

حمار6 : عرض أزياء !

حمار7 : أيوة عرض أزياء في تركيا... هناك
بيختاروا أجمل سرج وبردعة على
الحمير(*)... المهم بعد ما خلصت
العرض نزلت أتمشى شوية في البلد
حسيت بغبرة شديدة أنا أساساً مش لاقية
نفسى يبقى إزاي أقدر أتواصل مع
الذوات الأخرى من غير ما يكون ليا أنا
أساساً ذات..... (ثم تبدأ في البكاء) أنا
معنديش إحساس بالكينونة .

حمار6 : يعني مشكلتك هي الهوية... مش فاهم
إنت عشت عمرك كله مع الحمير
الأجانب؟

حمارة7 : لأ طبعاً... أنا مولودة في بيئة
محلية.. وفترة التكوين اللي عشتها كانت
فيها... وهو ده اللي سبب لي أزمة... لا
قادرة أنخلع من التكوين ولا أنا قادرة
أتواصل مع المُستجد.

حمار6 : علشان حمارة.

- حمارة7 : إحترم نفسك.
- حمارة6 : مش هي دي الحقيقة.
- حمارة7 : و إنت اللي جابك هنا ؟ ... هربت ليه ؟
- حمارة6 : ده موضوع يطول شرحه... المهم إني حسيت إني لازم أغير حياتي مهما كان التمن.
- حمارة7 : نفس الإحساس اللي جالي.
- حمارة6 : بس التمن مجهول... غيب... إحنا مش عارفين إيه هو... حاتفدري تستحملي ؟
- حمارة7 : اشمعنى أنت ؟
- حمارة6 : أنا حمار
- حمارة7 : وأنا حمارة
- يدخل (حمارة4، حمارة5) فجأة :- واحنا كمان حمير
- حمارة4 : بس إيه الحلاوة ديه الصراحة إنت جيتي في وقتك
- حمارة5 : إنت مرتبطة
- حمارة7 : (في ضيق) لأ
- حمارة4 : (بيزيح حمارة5 جانباً)...طيب ممكن نرتبط
-
- حمارة : لأ
- حمارة5 : (بيزيح حمارة4 جانباً) طيب ممكن من غير ما نرتبط

حمارة7 : إحتترم نفسك أنا أساساً هربانة من اللي زيك

حمار6 : بالذمة مش اللي كانوا البنى آدمين عايزين يعملوه حلال فينا... والله عندهم حق المفروض فعلاً يحطوا الإناث فى حنة والذكور فى حنة

حمار4 : يا نهار إسود آل كانوا عايزين يعزلونا عن بعض آل، ومين ده اللي كان حايقدر على البُعد ده.

حمار5 : على رأيك.... ده الواحد من يومين وحاسس إنه حايتجنن .

حمار6 : مفيش فايده... شوية حمير... شوفي دماغهم راحت لإيه... مفيش في دماغهم غير الحاجات دي، منين ما يجتمعوا يتكلموا فيها.

حمار5 : حاسس إني حاطق

حمار4 : فيه إيه ؟

حمار5 : يعني إحنا ماكناش قادرين نجيب معانا تليفزيون.. أي حمار فينا ياخده على ظهره وهو جي... ما البيوت اللي إحنا جايين منها مليانة تليفزيونات.

حمار6 : شفتي إعدوا من البنى آدمين...

حمارة7 : من عاشر القوم يايصير منهم يا يصيروا منه

حمار6 : للأسف... إحنا بقينا زى الإنسان.

(صوت صخب شديد يدخل حمار وهو يجري من أحد جوانب المسرح وهو يحمل جهاز تليفزيون في حضنه يتبعه كل الحمير بما فيهم " حمار4، وحمار5 ويبقى حمار6 وحمارة7)

- حمارة7 : وإنت ما رحنتش معاهم ليه ؟
- حمارة6 : ماليش في الكورة.
- حمارة7 : (تقول بدلال) أمال ليك في إيه ؟
- حمارة6 : في الأحلام.
- حمارة7 : إنت زي ما تكون مأزوم.... أيه مالك في أيه ؟
- حمارة6 : إفتكرتها.... دخلتكَ علينا فكَرتني بيها... كانت حالتني النفسية سيئة بنضرب وبتشتم وبنجر أحمال أكثر من حملي ومش عاجب... وكانت هي لسه جديدة على الموقف... قرّبت منها وقرّبت مني.
- حمارة7 : وبعدين.
- حمارة6 : نزل الكرباج على ضهري زي النار.. شي.. حا.. شي يا حمار يا بتاع الكلب... ورانا أكل عيش.. ولما رجعت... مالقيتهاش
- حمارة7 : راحت فين ؟
- حمارة6 : إتجوزت... ما هي أساساً كانت مخطوبة وكانت عندها مشاكل مع خطيبها.. أبوها كان مصمم يكتب البردعة في القايمة وخطيبها مش موافق... حبت تغير جو جت عندنا
- ... كانت جاية لوحدة صاحبته... وصحبتها دي هي اللي قالت لي بعد كده إنها إتجوزت... الحكاية دي فات عليها سنين.
- حمارة7 : ياه... ولسه فاكر لحد دلوقتي ؟
- حمارة6 : هي دي حاجة تننسي... لحد دلوقتي مش قادر إنساها ولا قادر إنسى ديها.
- حمارة7 : وأخبارها انقطعت عنك ؟

حمار6 : خلاص بقى.. بقت على ذمة حمار.. وأديني ملهي في الشغل.. أرجع آخر النهار أخلع البردعة وأنام زي الحمار.. ولا مؤاخذة.. وإنت ما كانش ليك تجربة؟

حمار7 : يوه... تجارب... أنا ياما إتمشيت قدام حمير... ما تفهمنيش غلط... صدقني كنت بأدور على حمار حقيقي.. لكن للأسف كلهم طلعا مزيفين وواخدين طبعهم من طبع النبي آدمين اللي ساقينهم... شوف إنت بتقول إيه... إنك مش قادر تنسى ديلها.. أنا بقى كل اللي إتعرفت عليهم ماكانش عاجبهم ديلي... وكانوا يقولولي يا سلام.. يا سلام لو ترفعي ديلك ده لفوق... العرسان يقفوا قدام زريبة أبوكي طوابير... شوف قلة الأدب أرفع ديلي لفوق إزاي ديه تبقى فضيحة

حمار6 : ليه إنت مش بتلبسى اندر- وير....وبعدين هم عايزين ينصحوكي.

حمار6 : مش خايفة لتعجزي ويفوتك القطر؟

حمارة7 : اللي زيّنا مش بيعجزوا... بيعيشوا كل العمر في نفس العمر، إحساسهم بالحياة مش بيختلف كتير لكن ممكن العكس كبر السن بالنسبة لهم يبقى خير بعد ما يتخلصوا من أعباء الحياة وميقاش ليهم مهمة في حياتهم غير التأمل.... وبعدين يفوتني القطر ليه أنا حاسة إنى لقيت حمار أحلامي دلوقتي

حمار6 : لقيته فين (يلتف حوله فلا يجد أحد غيره وغيرها)
إنت تقصديني أنا؟

حمارة7 : وليه لأ؟.. أنا حاسة من أول ما شفتك إن فيه حاجات كتير مشتركة بينا.

حمارة 6 : المفروض أنا اللي أبدأ...أنا اللي أطلبك وأجرى وراكي وأستنى ديلك لما يترفع هي ديه الأصول

حمارة 7 : دي أصول البني آدمين اللي إحنا جايين من عندهم... لازم الذكر هو اللي يبدأ... تخلف

حمارة 6 : تخلف؟!

حمارة 7 : طبعًا... إفرض إن في واحدة قابلت واحد وحست إن هو ده المخلوق اللي هي بدور عليه.. ليه ما تطلبش إنها ترتبط بيه زي ما هو بيطلب يرتبط بيها... تفكر فيه كام أب وأخ وأخت وأم شافوا إن المخلوق اللي إتعرفوا عليه ينفع يكون زوج صالح لبننتهم أو أختهم... واللي مانعهم...

حمارة 6 : الأصول.

حمارة 7 : الأصول اللي إتربينا عليها عند البني آدمين... وإحنا مش بني آدمين.. إحنا حمير وأديني أهه باقولك أنت الحمار اللي أنا بادور عليه.

حمارة 6 : الموقف مش صعب عليك

حمارة 7 : ليه؟! علشان بأكسر المعتاد.. المتعارف عليه الأصول. العقلية دي هي اللي وصلتنا للحالة اللي إحنا فيها، وبعدين أنا إخترت منهجي في الحياة... الصراحة والوضوح.

حمارة 6 : بس الظروف مش مناسبة... أديكي شايفة الحالة اللي إحنا فيها الرؤية غائبة والعملية ضباب

حمارة 7 : اللي يسرى عليكى يسرى عليًا

حمارة 6 : أنا مش حأغلب أى لقمة حأكولها وأى

نومة
حأنامها.... أنا حمار

حمار7 -: وأنا رضة زيك

حمار6 -: وحاتستحملي؟

حمارة7 -: إشمعنى إنت حاتستحمل؟

حمار6 -: أنا حمار.

حمارة7 -: وأنا حمارة.

المشهد العاشر

شخص : أنتو عرفتوا آخر إحصائية

2

شخص : إحصائية إيه؟

1

شخص : إحنا لما بدانا العملية ديه كان عدد

2 الحمير فى البلد 1/2 مليون

حمار...تعرفوا دلوقتى عددهم وصل

كام؟

شخص1 وشخص3 : عددهم وصل كام؟

شخص : مليون و324 ألف حمار... ومصدر

2 المعلومة ديه قطاع الشؤون الاقتصادية

بوزارة الزراعة(*)

شخص : يا أطفاف الله.... مليون حمار!!

1

شخص : و 324 ألف حمار

2

شخص : إحنا إزاي وصلنا للنتيجة دي؟

1

شخص : الموضوع إتطور وأخذ أكثر من حقه

- 2 بكتير.
- شخص : أنا كنت متصور الأمر أسهل من كده
3 شوية.. حمير وحانخلص منهم وخلاص.
- شخص : مش لو كانوا شوية... دي كترتهم مش
2 بس في عددهم لأ... دي في روحهم اللي
مسيطرة على حياتنا.
- شخص : المنظومة الحميرية.
- 2
شخص : المهم دلوقتي... إحنا بعتنا مرسال وإنفقنا
1 على التفاوض، وعلى فكرة إحنا دلوقتي
لازم نفهم إننا بنتعامل مع مجموعة من
المخلوقات عرفت وفهمت إن ليها
وجود، يعني ما بقوش زي ما بتقول...
شوية حمير.
- شخص : ده صحيح... إحنا من غير ما نقصد لفتنا
2 نظرهم لوجودهم... دول هما نفسهم
ماكانوش حاسيين إنهم موجودين، واسوأ
شئ إنك تتعامل مع كائن حاسس
بوجوده.
- شخص : تفكروا نبدأ معاهم إزاي ؟
- 3
شخص : أولاً... لازم يفهموا إن جلوسنا معاهم
1 في المفاوضات مش معناه إن الرؤوس
إتساوت.. لأ... إحنا بس مش عايزين
الأمور تلتهب ولازم يفهموا إن إحنا لينا
شروط وحايكون فيها منافع بالنسبة ليهم.
- شخص : وضح أكثر علشان نبقى في الصورة.
- 2
شخص : أولاً... عليهم إنهم يرجعوا تاني للزرايب
1 زي ما كانوا الأول.. وإحنا من ناحيتنا لا
حانقلهم ولا حانشرتهم ولا حانعزلهم
عن بعض... لكن حانعمل ليهم عملية
تنمية... تنمية حقيقية مش وهمية.
- شخص : بس ده يتعارض مع مصالحنا... التنمية

3 دي بتتعارض مع طبيعة الوظيفة اللي بيقيموا بيها... تفكروا لو الحمير حصل ليهم عملية تنمية حقيقية ومستدامة.. حيرجعوا تاني يقوموا بنفس الوظيفة، وها حايرضوا بنفس الوضع الاجتماعي؟!!

شخص : مفيش حل غير التنمية مع تجديد السلوك
1 يتجدد الفكر.

شخص : لأ... تجديد الفكر هو اللي يجدد السلوك.
2

شخص : وفيه سؤال... عملية التنمية أليتها
3 حاتكون إيه... حمار..حمار.. ولا مجموعة مجموعة.. ومين عنده الإستعداد إن التجربة تنطبق عليه في الأول... مين الحمار اللي عنده استعداد ياخذ الرصاصة الأولى؟!!

شخص : المشكلة إن دايمًا بيبقى فيه تخوف والكل
2 مستنى واحد يبدأ.. أرض الطابور فاضية مستنية أول حمار يجمع.. وبعد كده الكل حايجمع وراه.

شخص : إستنوا إستنوا.عملية التنمية اللي إحنا
1 عاملين نتكلم عنها دي لازم تتم بموافقة الحمير أولاً.. مفيش حد بيحصل له تنمية غصب عنه.هل يا ترى الحمير حاتوافق على إن يحصل ليها تنمية هو ده السؤال؟!....أكرر السؤال بصيغة أخرى... هل الحمير عندها إحساس بإنها محتاجة لعملية تنمية وتحضر.

شخص : ده غير إن هُمَّا كما أكيد ليهم شروط
2 ومطالب.

شخص : مذبوط... مش معقول يكونوا عملوا كده
3 وأول إحنا ما نيجي ونشترط عليهم يوافقوا ويرجعوا تاني للي كانوا فيه.

شخص : أنا أعتقد إن المفاوضات حاتكون صعبة

وشاقة.

1

شخص : إن شاء الله حاننح ونطلع بعدها في
التليفزيون..نصرح ونقول إن المباحثات
3 كانت جادة ومثمرة وحدّث تقارب في
وجهات النظر.

الحادي عشر

مكان التفاوض.

حماران واقفان

يدخل أحد الحمير وهو يضحك ضحك هيسثيري

حمار 1 : إيه... مالك بتضحك كده إيه ؟

حمار 3 : بصوا... بصوا لقيت إيه (يرفع كرتونة أمامهم) بصوا مكتوب عليها إيه ؟

حمار 2 : زيت تموين للقلي والتحمير (*)

حمار 1 : البني آدمين التُحف... زيت التموين اللي الحكومة بتصرفوا ليهم للقلي والتحمير

حمار 3 : إحنا بقى مش محتاجين زيت... التحمير بتاعنا طبيعي.

حمار 1 : سيبكم بقى من الكلام ده... خَلّونا في المهم... إحنا لازم نتفق على رأي.

حمار 2 : أولاً... لازم البني آدمين يحترموا خصوصية حُموريتنا

حمار 1 : مش عارف... متهيألي إن الأحسن نستنى نشوف العرض بتاعهم الأول... يمكن يوفر علينا كلام كتير

(يدخل الثلاث أشخاص أعضاء اللجنة)

شخص : مساء الخير

1

الحمير : مساء النور

شخص : باختصار علشان مانضيعش وقت يا حمير... إحنا النهاردة جايين وعازين

2

نحل المشكلة.

حمار 1 : المشكلة دي إنتو اللي صنعتوها... إحنا كنا عايشين راضيين بحموريتنا وموافقين عليها وعلى الظلم والوضع اللي كنا فيه.

شخص 3 : عندك حق... الغلطة غلطتنا فعلاً.. إحنا اللي حاسسناكم إن ليكم كيان ودلوقتي خلّونا في الوضع الحالي... عايزين ندخل في مفاوضات الوضع النهائي.

شخص 1 : أول هام... لازم كل الحمير اللي شردت ترجع تاني لأصحابها... ويرجع الوضع كما كنت... مظهرياً على الأقل.
حمار 1 : والمقابل؟

شخص 3 : التنمية... إحنا حانساعدكم في عملية التنمية للخروج من الحالة الحميرية اللي إنتو عايشين فيها لحالة أخرى حضارية

حمارة : والنموذج؟

2

شخص 1 : إحنا حانقدمه ليكم... نموذج جاهز... وده شئ طبيعي... ما احنا اللي لازم نعرفكم ازاي تتحضروا هو انتو تعرفوا تعملوا حاجة لنفسكم ده إنتو حمير.

حمار 3 : ما تحترم نفسك يا جدع إنت..أما إنك بني آدم صحيح.

شخص 1 : هو أنا غلّطت فيك؟... أنا كل اللي بقوله إننا جايين علشان نعلمكوا ازاي تعيشوا صح بدل العربخانة اللي إنتوا عايشين فيها

حمار 1 : بقولك إيه يا جدع إنت إحفظ لسانك إذا كنا إحنا عايشين في عربخانة، إنتوا كمان عايشين في وطنخانة، وإذا كنا إحنا بننضرب إنتوا كمان بتنضربوا، وإذا كنا إحنا بنتشتم إنتوا كمان بنتشتموا،

وإذا كنا إحنًا بتركب إئتوا كمان
بتركبوا، الحمار مننا ملوش غير
عرجى واحد والواحد منكوا عنده ميت
عرجى متحكم فى حياته، العربخانة
اللى إحنًا عايشين فيها متختلفش كثير
عن الوطنخانة اللى إئتوا عايشين فيها.

شخص : الكلام اللى إنت بتقوله ممكن يكون
صحيح.. لكن ده مينفیش الحقيقة، تنكروا
إن إئتوا حمير

3

يتدخل حمار آخر : الحمير اللى مش عجبك دى
الملكة كيلوباترا كانت بتستحمى فى اللبن بتاعها
علشان تنعم بشرتها ، الحمير اللى مش عجبك دي
هى اللى حملت العائلة المقدسة ووصلتها لبر الإمان
وهى اللى مذكورة عندكم فى الكتب المقدسة فى
أسفارها وآياتها، الحمير اللى مش عجبك دي ربنا
ضرب بيها المثل وبرهن بيها على قدرته ونعمته
عليها، الحمير اللى مش عجبك ديه صاحبة فضل
عليكوا بنصوص صريحة وآيات واضحة

شخص : يا سيدى حقك عليا، ودلوقتى عايزين
نوصل لحل

1

(يتدخل أحد الحمير الموجودين)

حمار 1 : طيب سيبوا لينا وقت نفكر... ما تنسوش
إحنًا جزء من كل وفيه حمير تانية لازم
ناخذ رأيها.. ولا خاب من إشتشار.

المشهد الثاني عشر

(جموع الحمير)

- حمار : رفض تام. 1
- حمار : كل الحمير رفضوا.. كل الحمير المتمررة
ة2 رفضت
- حمار : كلهم قالوا إحنا حمير... وحانفضل طول
3 عمرنا حمير واللي مش عاجبه ينهق زيّنا
- حمار : هما فاكرين نفسهم إيه... ممكن يتحكّموا
4 فينا كده ببساطة ليه هو إحنا مواشي ؟

(صوت مواشي معترض)

- حمار : لا مؤاخذة. 4
- حمار : طب والحل؟ 5
- حمار : الحرب... نعلن الحرب على بني الإنسان. 6
- حمار : أعتقد إن هما اللي حايعلنوها الأول. 4
- حمار : هما أقوى. 3
- حمار : إحنا معانا الحق... دول ما كانواش جايين يتفاوضوا معانا... دول جايين يدونا أوامر... جايين أساساً بأجندة جاهزة. 6
- حمار : أنا ماشفتش معاهم أجندات. 2ة
- حمار : أنا شفت واحد منهم كان حاطط أجندة صغيرة في جيب الجاكتة. 3
- حمار : تفتكروا ليه الحمير رفضوا التنمية؟ 1
- حمار : عشان معندهمش ثقة في الإنسان. 2ة
- حمار : أزمة ثقة. 4
- حمار : وفيه كتير منهم خايف بعد ما يتنمى يتحول لبني آدم. 5
- حمار : ياه... يعني لو عرضوا عليك تبقى بني آدم توافق؟ 4
- حمار : لأ طبعًا... ليه؟ هو أنا حمار؟! 5
- حمار : يا حمير... لو حا يكون فيه حرب يبقى لازم نعد ليها كويس... الحرب طويلة... كلنا بنعرف إزاي تبدأ لكن محدش بيعرف إزاي تنتهي... ولا هما حايقضوا علينا بين 6

يوم وليلة ولا إحنا حانقدر عليهم بسهولة.

حمار : يبقى كده مفيش غير نقطة نظام والدخول
في المنظومة. 7

حمار : منظومة إيه ؟
ة 2

حمار : المنظومة الإنسانية بكل قوانينها علشان
نقدر نتعامل معاهم. 7

حمار : أنا مش فاهم حاجة.
3

حمار : أنا فهمت... إحنا كده مالناش هيئة..
6
مالناش كيان محدد.. معندناش شكل له
ملاح.. إحنا عبارة عن كائن هلامي...
لازم يبقى لينا هيكلية نتعامل بيها مع
الإنسان لأنك مش ممكن تتعامل مع هيكل
نظامي الا بهيكل نظامي زيه والشطارة
إنك تفهم قوانين خصمك وتلعب بيها
لصالحك

حمار : بمعنى؟
3

حمار : زي ما قال زميلنا إحنا ملناش هيكل مُحدد
7
ولا شكل نهائي إحنا عايشين كده من غير
ترابط ولا هدف مشترك ولا ضمير
جمعي

حمار : ضمير جمعي يعني إيه ؟
3

حمار : يعني ممكن تكون الرغبة اللي عندك هي
6
نفس الرغبة اللي عندى بس مفيش شكل
منظم نلتقى فيه فكل واحد فينا رغبته
مسجونة جواه وفاكر إنها رغبة فردية
على الرغم من إنها رغبة مشتركة،
وعلشان كده لازم لينا هيكل نظامي تلتقى
فيه الرغبات.

حمار : بمعنى ؟

2ة

حمار : نعلن جمهوريتنا المستقلة.

7

حمار : جمهورية حمارستان.

6

حمار : أنا أعترض... حمارستان دي فيها نزعة فردية... وإحنا لازم نكون مجموع حتى في المسمى.

3

حمار : تقترح إيه ؟

6

حمار : إحنا عايشين على إيه ؟

3

حمار : على الأرض.

6

حمار : إفهم يا حمار... أقصد... عذائنا الأساسي إيه؟

3

حمار : البرسيم.

6

حمار : تمام... البرسيم.. البرسيم اللي دلوقتي البني آدمين بيتعاملوا بيه مع بعض لدرجة إنه دلوقتي ممكن الارض المزروعة تندفع نفقة متعة(*) يبقى هو ده... البرسيم... البرسيم اللي زرعيه في أرضهم أكثر ما هما زارعين القمح.

3

(يقولون جميعًا في نفس الصوت)

جمهورية البرسيم.

حمار : والنشيد الوطني.

1

حمار : شى... حا.. هس

2ة

حمار : والعلم... سهل أي منظر كده والسلام

3

حمار : إزاي ده لازم العلم يبقى عليه الشعار الوطني.

7

- حمار : تفكروا الشعار يكون إيه ؟
3
- حمار : البردعة.
4
- حمار : أعترض... البردعة دي رمز للإهانة... ده
الإنسان بيحطها على ضهرنا علشان لما
يركبنا يريح نفسه.
5
- حمار : ما هو ده بقى المقصود.. مش البردعة
اللي إنتو كنتم مريحيين نفسكم بيها....
أهي جاية تحاربكم وعلم قُصاد علمكم.
4
- حمار : فليكن... البردعة.
5
- حمار : تفكروا ممكن نحصل على إعتراف دولي
؟
6
- حمار : أكيد... إحنا قضيتنا عادلة.
7
- حمار : العدل مش شرط.
6
- حمار : يبقى نعمل اللي نقدر عليه والباقي على
ربنا.
5
- حمار : الظاهر كده إنك اتأثرت بالدكتور البيطري
اللي إنت كنت بتتعالج عنده.
4

المشهد الأخير

حجرة مكتب رسمي كما في المشهد الأول.

شخص 1 : يعني إيه... الحمير اختاروا الحرب!؟

شخص 2 : فليكن... هما مش قدها

شخص 3 : إختاروا غلط.

شخص 1 : تفتكروا ليه الأمور وصلت للحالة دي ؟

شخص 3 : أكيد بسبب القلة المنحرفة المندسة

شخص 1 : القلة المنحرفة المندسة دي معايرنا إحنا وكلامنا اللي بنقوله والحجة اللي بنضحك بيها على غيرنا .

شخص 2 : أنا أعتقد إننا وصلنا للحالة دي لإننا دخلنا المشكلة بدون دراسة.

شخص 1 : وهي دي جديدة علينا... ما إحنا طول عمرنا كده.. هو ده العادي بتاعنا... من إمتى إحنا بندرس المشكلة؟

شخص 3 : طيب وبعدين ! حمير متمرده وبني آدمين رافضين التمرد ده وعربجية خسرت كل حاجة.
شخص 2 : هي الحرب إذن.

شخص 1 : ليه... ليه الحمير رفضوا العرض اللي إحنا عرضناه عليهم.. ليه رفضوا التنمية.. ليه؟
(يدخل حمار 1)

حمار 1 : رفضناها لسببين

شخص 1 : الأول

(يدخل حمار 2)

حمار 2 : لإننا حمير... رفضنا من قبل ما نفهم وندرس ونقارن ونستنتج ونقرر... البداية كانت الرفض... حمير بعيد عنك.

شخص 2 : والسبب الثاني.

(يدخل باقي الحمير)

حمار 6 : لإن في كثير من الحمير.. مفيش عندهم مشكلة... واللي حاسس إنه في مشكلة يبقى حاسس بيها لوحده.. يعني مفيش ضمير جماعي بالمشكلة... ولو كان حد فينا قال إن فيه مشكلة... يردوا عليه الباقين ويقولوا بلاش فلسفة.

حمار 3 : أنا أفهمكم أكثر... إحنا بنجر عربيات

في شوارع زي الزفت.. كلها حفر
ومطبات وبلا أزرق... ومش كده
وبس... وكمان بننضرب وبننتشتم... لو
حد إتجرأ بس إتجرأ وقال يا حمير
الشوارع دي كده غلط.

حمار 4 : يردّوا عليه الباقيين... ما هي طول
عمرها كده.

شخص 2 : تقصدوا إن الحمير عايشين بشرعية "
كده".

حمار 7 : الله ينور عليك.... هما كده... طول
عمرها كده... كده دي بقت قانون....
قانون " كده "

شخص 3 : مش فاهم... أمال إيه حكاية الثورة
والتمرّد والهيجان ده كله والجمهورية
اللى إنتوا أعلنتوها.

حمار 4 : هيصة وحياتك... إحنا حمير فرحانيين
بالهيصة ، أدينا قولنا نعمل جمهورية
وسميناهها ونشيد وطنى وعلم وبعدين
الجمهورية سقطت فى أول إمتحان
حقيقى لأنها قامت على ثقافة الهيصة
أكثر من ثقافة النضال.... حاجة
تتضحك عمرك شفت ثورة تحط
المبادئ بتاعتها بعد الثورة ما تقوم مش
قبل ما تقوم *

حمار 6 : لكن صدقني... فيه أمل... فيه حمير
عندها إستعداد

شخص 2 : أيوه.. وإحنا حانسعدكم... إحنا
حانغيركم

حمار 5 : إنتو غلطوا فى الأسلوب والسياسية
والتعامل... وغلطوا فى البداية.

يتدخل الأستاذ مدرس محو الأمية

الأستاذ : البلد مليانة حمير... جميل ، عايزين
تخلصوا منهم... كويس... المشكلة هنا
مُجملة وكان لازم تتفصص.

شخص 1 : تقصد الأسلوب العلمي في حل
المشكلة.

شخص 2 : تجزئة المشكلة.

الأستاذ : بالظبط... الحمير مش مجرد حيوانات
بأربع رجلين وديل ينش بيه الدبان...
دي مخلوقات ليها دور اقتصادي...
معيشة أسر و فاتحة بيوت .

حمارة 7 : هل فكرتم في البديل ؟

شخص 1 : علشان كده كانت المقاومة شديدة

حمارة 6 : مقاومة طبيعية... وفيه سؤال... هي
المشكلة في الحمير ؟ إحنا مخلوقات
منقادة... شي شي... حاحا... هس
هس... والحمير زي ما بيتقال ليها
بتقول... المشكلة مش في الحمير
وبس... المشكلة في اللي سايقنها...
المشكلة مشكلة قيادة .

حمارة 4 : دي حاجة تجنن... يحملوها أكثر من
طاقتها ولما تنهق يقولوا حمير

(يدخل أحد العربية)

عربي 1 : طيب وإحنا ذنبا إيه ؟ ما الزبون هو
اللي عايز النقلة كلها مرة واحدة
علشان ما يدفعش مرتين.

الأستاذ : شفتوا... في أطراف تانية في المشكلة

شخص 1 : يعني التنمية كانت لازم تبقى...

الحمير : للمنظومة نفسها... للنسق... لجوهر

التفاعلات... للمرجعيات و...و...و...

حمار¹ : أنا حاسألك سؤال... لنفرض إن البلد
حاتصبح الصبح ومافيهاش ولا
حمار... تبقى كده المشكلة إتحتت ؟

شخص¹ : طبعًا... إنتو وجودكم سبب مشكلة في
الطرق والمرور..
وفي المظهر الحضاري والنضافة.

حمار¹ : جميل... طيب فيه أماكن كثيرة الحمير
لا بتدخلها ولا بتروحها ومع ذلك
الأماكن دي مكروهة... قذرة... إن
ماكانش في شكلها وريحتها... تبقى
قذرتها في سمعتها
و متخلفة في نظامها

ويكمل حمار آخر : أماكن فاسدة.. خرابانة السوس
ضارب فيها.

ويكمل حمار آخر : أماكن معفنة رغم إن كل اللي
فيها منكو بني آدمين.

شخص¹ : مش بالضرورة يكون كل الناس
نضاف... كل واحد وحسب الإطار
اللي هو بيتعامل من خلاله.

عرجي : (وقد أعجبتة الكلمة) الإطار... ديك
1
النهار رححت مغير إطارين بتلاتة
جنيه... أنا حتى مكنتش أعرف إن أسمه
إطار... كنت باقول عليه العجلة... إبنني
قالي لأ... ده إسمه إطار... قالوا ليهم
كده في المدرسة.

حمار¹ : يمكن إبنه هو كمان في يوم من الأيام
يغير الإطار

عرجي : ده أكيد... لازم يتعلم يغير الإطار
1
لوحده... وإلا حايفضل كده يكع زي
أبوه.

شخص¹ : برضه أنا لسه عند رأيي... الحمار
حايفضل طول عمره حمار.. طبيعية
كده.

جموع الحمير : إتفقنا

حمار¹ : من ناحيتنا... حانفضل حمير... بس
الإنسان كمان من ناحيته لازم يتصرف
كإنسان... تقدر تضمن دي ؟ لو
ضمنتها الحرب بينا مش حاتقوم.

حمار² : تقدر تضمنها ؟ تقدر تضمن إن الحمير
لو إرتضت إنها تفضل حمير...
الإنسان حايعاملها بإنسانية.

حمار⁶ : وإحنا إثباتاً لحسن النوايا... حانعلق
الميثاق.
جموع الحمير : ميثاق الشرف الحميري

الأشخا : ميثاق الشرف الحميري !؟

ص

حمار⁴ : أيوه... هي مش كل ثورة وحركة
وإتحاد وهيئة ونقابة بيبقى ليها
ميثاق... إحنا كمان اتفقنا على
الميثاق... العهد اللي حايكون بينا وبين
بني الإنسان

● جموع الحمير تصطف في
منتصف المسرح في شكل كورال.

موسيقى مناسبة للموقف.

جموع الحمير في نفس الصوت :- " نعلن نحن
معشر الحمير عهداً وميثاقاً علينا بأننا سوف نحيا
حميراً ونموت كذلك... ولن نسبب أي مشكلة
حضارية لبني الإنسان شريطة أن يلتزم الإنسان من
جانبه بالإنسانية.

أحد : حانقف مطرح ما حايقول الإنسان.
الحمير
آخر : إحنا حاناكل أكلنا..اللي طول عمر
أجدادنا بياكلوه.

آخر : بس يكون صحي وسليم من غير
مبيدات.

آخر : حانتجوز في الشارع... مش عايزين
شقق.

آخر : بس هو فين الشارع؟
آخر : مش حنعمل مظاهرات وأى مطلب لينا
حيكون عن طريق الطرق الشرعية
اللى إنتوا تحددوها .

آخر : بس إضمنوا لينا إن الطرق الشرعية
تكون طرق حقيقية وليها نتيجة فعلية
وإن نهيقنا حيوصل لصاحب الأمر.

جموع الحمير : وإحنا على العهد والميثاق... لا (حا)

نسبب مشكلة ولا أزمة... بس المطلوب مش أكثر

من الحد الأدنى... الحد الأدنى من الحياة

الحميرية... الحياة اللي تليق بأي حمار

أي حمار خَلَقَهُ ربنا.

(تمت)